



廿二史攷異

史記

錢竹汀氏著凡一百卷廿四冊

同治壬戌十一月後學李慈銘書首

予弱冠時好讀乙部書通籍以後尤專斯業自史漢
金元作者廿有二家反覆校勘雖寒暑疾疢未嘗少輟
偶有所得寫於別紙丁亥歲乞假歸里稍編次之歲有
增益卷帙滋多戊戌設教鍾山講肄之暇復加討論閒
與前人闇合者削而去之或得於同學啓示亦必標其
姓名郭象何法盛之事蓋深恥之也夫史之難讀久矣
司馬溫公燬資治通鑑成惟王勝之借一讀它人讀未
盡十紙已欠伸思睡矣況廿二家之書文字煩多義例
紛糾輿地則今昔異名僑置殊所職官則沿革迭代冗
要逐時欲其條理貫串瞭如指掌良非易事以予傳劣

敢云有得但涉獵既久啓悟遂多著之鉛槧賢於博奕云尔且夫史非一家之書實千載之書祛其疑乃能堅其信指其瑕益以見其美拾遺規過匪爲齟齬前人實以開導後學而世之攷古者拾班范之一言摘沈蕭之數簡兼有竹素爛脫豕虎傳譌易斗分作升分更子琳爲惠琳乃出校書之陋本非作者之讐而皆文致小疵目爲大創馳騁筆墨夸耀凡庸予所不能效也更有空疏措大輒以褒貶自任強作聰明妄生痕疢不卅年代不揆時勢強人以所難行責人以所難受陳義甚高居心過刻予尤不敢效也桑榆景迫學殖無成惟有實事

求是護惜古人之苦心可與海內共白自知槃燭之光必多罅漏所冀有道君子理而董之庚子五月廿有二日嘉定錢大昕序

廿二史攷異總一百卷

史記五卷

漢書四卷

後漢書三卷

續漢書二卷

三國志三卷

晉書五卷

宋書二卷

南齊書一卷

梁書一卷

陳書一卷

魏書三卷

北齊書一卷

周書一卷

隋書二卷

南史三卷

北史三卷

唐書十六卷

舊唐書四卷

五代史六卷

宋史十六卷

遼史一卷

金史二卷

元史十五卷

及門參訂姓氏

益都李文藻南澗

濰縣郭守璞



歷城朱攸遠亭

諸城王紱疆

平度戴如煌秋鶴

聊城任銳錫

黃平李臺南有

歸安沈咸熙熙人

昌平陳本敬仲思

高陽韓龍震東篋

濟寧趙維翰

宛平孫維龍勗堂

湘潭石鴻翥石泉

清泉丁牲

寧鄉周在熾

清泉丁正心

仁和陸飛起潛

餘姚邵晉涵二雲

錢唐潘庭筠蘭垞

仁和翟均廉春陞

仁和鮑錕紫庭

山陰孫鑑南湖

秀水吳春澗閬林

山陰吳尊盤殿六

嘉善孫銀槎竹尹

錢唐仇養正一鷗

嘉善孫銘彝山尊

錢唐韓朝衡開雲

蒙自尹壯圖楚珍

大興黃符綵見滄

元和莊承籛少彭

鉅野姚學甲半塘

羅山李芸經耕五

芮城李騰蛟鼎比

永城丁佃

永城呂斐

光山徐森

正陽葉林林伯寧

陽湖孫星衍淵如

海鹽張燕昌芭堂

上元董教增觀橋

上元黃鎔又軍

汾陽曹錫齡受之

江寧端木煜星垣

汾陽曹祝齡申之

江浦韓廷秀紹真

上元談泰階平

上元程國鐘元音

上元鮑璉文石

上元顧椿年莊林

上元張師式

句容李德言

江寧焦以厚載之

上元余旻秋農

江寧嚴觀子進

婺源吳山南石湖

宣城孫源潮達甫

婺源吳國南二爲

上元陶渙悅怡亭

上元王汝翰西林

上元顧淞

桐城章維極

嘉善錢清履慶貞

鎮洋楊雲璈鈞再

鎮洋楊雲煜宿占

太倉李錫恭蓉塘

鎮洋王洲步瀛

錢唐何元錫夢華

元和陳鶴稽亭

吳縣潘世恩槐堂

吳縣潘世璜黼堂

海鹽吳東發侃叔

震澤費士璣玉衡

吳縣袁廷禱綬階

元和李銳尙之

元和戈宙襄小蓮

吳縣鈕樹玉匪石

同邑李賡芸書田

長洲吳嘉泰東屏

同邑張彥曾蜚文

同懷弟 大昭晦之

姪 塘學淵

姑獻之

男 東壁星伯

東塾學仲

胞姪東垣既勤

繹以成

侗同人

婿同邑瞿中溶鏡濤

青浦許蔭堂仲升

史記一

廿二史攷疑

錢大昕



卷首題宋中郎外兵曹參軍裴駟集解 按索隱序稱外兵參軍後序稱外兵郎互有不同攷隋書經籍志史記八十卷宋南中郎外兵參軍裴駟撰又宋書南史本傳俱云南中郎參軍蓋龍駒為南中郎府之外兵參軍宋齊之世四中郎將皆以皇子為之得開府置官屬外兵其一曹也南中郎者所仕府之名外兵者所署曹之名參軍則其職也中郎之上當有南字索隱後序稱外兵郎則誤甚矣

五帝本紀

幼而徇齊索隱云大戴禮作叡齊一本作慧齊 今大

戴禮作慧蓋慧之省

其色郁郁其德嶷嶷索隱云大戴禮郁作神嶷作俟

今大戴禮亦作郁郁嶷嶷與小司馬所見本不同蓋

後人據史記轉改

東至于蟠木 予謂蟠木者扶木也呂覽為欲篇西至

流沙東至扶木又求人篇禹東至搏木之地說文搏

桑神木日所出也搏與扶通扶木即扶桑古音扶如

蒲聲轉為蟠也漢書天文志奢為扶鄭氏云扶當為

蟠

僂程東作 程秩聲相近詩秩秩大猷說文作戡戡程

从呈聲戡从戠戠亦从呈聲故程戡俱與秩通也說

文引書作平艷

僂程南譌 索隱正義本皆作為字

試不可用而已 尚書云試可乃已古人語急以不可

為可也古經簡質得史公而義益明

墜四嶽 尚書墜為咨咨墜聲相近

舜飭下二女於媯汭索隱云二女長曰娥皇次曰女英

系本作女瑩大戴禮作女匱 瑩匱皆英之轉

歸至于祖禰廟 說文无禰字禰者爾也考於七廟爲最近故稱爾後人因加示旁尚書作藝祖馬融云藝禰也蓋用史公說藝禰音亦相近

徧告以言 古音敷如布徧布聲相近奏告亦聲之轉也奏屬齒音告屬牙音均爲出聲故亦得相轉

堯二女不敢以貴驕事舜親戚正義云親戚謂父瞽叟後母弟象妹顛首等也 古人稱父母爲親戚大戴

記曾子疾病篇親戚既沒雖欲孝誰爲孝孟子盡心篇人莫大焉亾親戚君臣上下楚世家楚人皆憐之

如悲親戚猶言如喪考妣也孟嘗君列傳使使存問獻遺其親戚亦謂其父母也正義兼弟妹言之非史

公之旨

誰能馴予工 馴與順同易坤初象傳馴致其道至堅冰也其文言曰履霜堅冰至蓋言順也可證順卽馴

字尚書疇若予工若訓順故史公以馴代若 按穉教穉子注尚書作胄子孔安國曰穉胄聲相近 按穉

胄聲相近乃裴氏說非孔安國注也曰下當有脫文 朕畏忌讒說殄僞徐廣曰一云齊說殄行 尚書云朕

聖讒說殄行孔傳訓卽爲疾疾齊聲相近故又作齊也僞讀如平秩南僞之僞 南僞見漢書王莽傳僞卽爲字行爲

聲相近

惟時相天事 按釋詁亮相皆訓導故變亮言相正義
訓相為視失之

息慎注鄭元曰息慎或謂肅慎 息肅聲相近

顧弟弗深攷注徐廣曰弟但也 弟但聲相近俗書弟

但字作第次第字作第皆不合六書之旨

夏本紀

鯀之父曰帝顓頊 索隱據漢書律歷志顓頊五代而

生鯀證鯀非黃帝之子攷山海經黃帝生駱明駱

明生白馬白馬是為鯀鯀生禹山經所云黃帝當是

顓頊之譌狀亦无五世

疊疊穆穆 司馬相如封禪文攸攸穆穆君子之能攸

攸即疊疊也古音疊如門与攸相近攸即旻字

濟河維沅州 沅州本以沅水得名尚書作兗州由隸

變立水為橫水在上又誤三為六耳

汶嶧既藝正義云括地志云岷山在岷州溢洛南一里

洛當作樂唐書地理志岷州溢樂縣有岷山

益讓帝禹之子啟 史公書於漢諱皆回避如恒山作

常山微子啟作微子開盈數作滿數是也亦有不盡

狀者周本紀邦內甸服邦外侯服封禪書五岳皆在

天子之邦犯高帝諱殷本紀盈鉅橋之粟樂書盈而不持則傾晉世家萬盈數也以從盈數春申君列傳盈滿海內犯惠帝諱天官書壬癸恒山以北恒山之北氣下黑上青封禪書北岳恒山也至琅邪過恒山田齊世家以為非恒人張儀傳獻恒山之尾五城犯文帝諱夏本紀益讓帝禹之子啟禹子啟賢諸侯皆去益而朝啟啟遂即天子位是為夏后帝啟殷本紀帝乙長子曰微子啟啟母賤不得嗣孝文本紀夏啟以光燕世家禹薦益已而以啟人為吏及老而以啟為不足任乎天下啟與交黨攻益奪之犯景帝諱此

非史之駁文後人以意改易耳若呂后諱雉而殷本

紀封禪書不避雉字或史公本文如此蓋呂氏傾危

社稷史臣未必為避諱也宋史禮志紹興二年禮部太常寺言漢法邦之字曰

國盈之字曰滿止是讀曰國曰滿本字見於經傳者未嘗改易司馬遷作史記曰先王之制邦內畿服邦外侯服又曰盈而不持則傾於邦字盈字亦不改易此說未狀

注張敖地理記曰濟南平壽縣其地即古斟尋國 濟

南當作北海張敖未詳何代人

斟氏戈氏 索隱本作斟戈氏即斟灌也戈灌聲相近

上氏字衍

殷本紀

子其大理女注尚書理字作賚 理賚聲相近詩釐爾
圭瓚鄭康成引作賚釐理義亦通也

至于泰卷陶索隱云鄒誕生卷作餉又作洞則卷當爲
洞 卷洞聲相近泰与大古文通

大最樂戲于沙邱注徐廣曰最一作聚 最當作取說
文取積也音与聚同功臣表注孔子文生最說文以
最爲積聚字此最字亦取字之譌

紂走入登鹿臺注徐廣曰鹿一作廩 廩鹿聲相近

周本紀

子公叔祖類立索隱云系本云太公組紺諸蓋 蓋當

作鑿音戾鑿類聲相近也鑿綠色紺青赤色与綠相
似故又云組紺

兩造具備注徐廣曰造一作遭 兩遭猶言兩曹說文
曹獄之兩曹也

孔子卒 案周秦二本紀魯燕陳衛晉諸世家皆書孔
子卒而吳齊蔡宋楚世家則不書夫孔子魯人也其
卒宜書于魯世家孔子有東周之志孔子卒而周不
復興矣以其卒之繫于周則書于周本紀亦宜也若
秦若衛若陳若晉与燕于孔子何與而亦書孔子之
卒也或曰孔子之卒史遷爲天下惜之故不獨于魯

書若狀則十二國宜皆書何爲而有書有不書也且孔子之先宋人也齊楚與蔡孔子嘗至其國焉視秦晉燕之從未一至者有閒矣何爲乎宜書而反不書也

周太史儋見秦獻公曰始周與秦國合而別別五百載復合合十七歲而霸王者出焉 案此語周本紀載之秦本紀載之封禪書老子列傳又載之蓋重出者四矣秦本紀作七十七歲老子列傳作七十歲皆傳寫之譌索隱正義于周本紀封禪書皆有注可證子赧王延立索隱云尚書中候以赧爲然鄭元云然讀

曰赧王邵按古音人扇反今音奴板反 說文赧从

赤良聲良柔皮也讀如輓故古讀赧爲人扇切

王赧時東西周分治 赧非王名當云赧王

韓徵甲與粟于東周 戰國策以爲西周

秦本紀

我不殺戎王則不敢入邑 據此則周末東遷之日戎

已僭王號如徐偃王楚句亶王鄂王越章王之類也

其後有亳王義渠王獮王皆戎種

以女弟繆嬴爲豐王妻 豐王未詳閩本作幽王幽豐

字形相近狀幽王妻申后非繆嬴

臣常游困于齊而乞食銍人注徐廣曰銍一作銍正義
云銍地名在沛縣 子謂沛非齊地

庶長改迎靈公之子獻公于河西而立之殺出子及其
母沈之淵旁 呂氏春秋當賞篇秦小主夫人用奄
變羣賢不說自匿公子連亾在魏聞之欲入從鄭所
之塞右主然守塞弗入曰臣有義不兩主公子勉太
矣公子連去入翟從焉氏塞齒改入之夫人聞之大
駭令吏與卒中道因變曰非擊寇也迎主君也公子
連因与卒俱來至雍圍夫人夫人自殺公子連立是
為獻公不韋言秦事必可信小主者即出子齒改者

庶長改也呂氏言獻公名連而索隱云名師隰未知
所本

與齊威楚宣魏惠燕悼韓哀趙成侯竝 據六國表秦

孝公元年當齊威十八年楚宣九年魏惠十年燕文

公元年韓壯侯十年世家作懿公趙成侯十四年此云燕

悼韓哀誤也正義讀竝為白浪反屬下淮泗之閒為

句亦非

與晉戰鴈門索隱云紀年云与魏戰岸門此云鴈門恐

聲誤也秦與韓魏戰不當遠至鴈門 按岸鴈聲相

近故岸門亦作鴈門非謂代之鴈門也

檇里疾攻魏焦降之 檇里疾卽檇里子也說文檇作

檇

庶長疾攻趙虜趙將軍莊 檇里子傳虜趙將軍莊豹

攻韓南郡取之 六國表作南陽按戰國之際韓魏皆

有南陽魏之南陽卽河內之修武左氏傳晉於是始

啟南陽是也韓之南陽卽秦漢南陽郡也但秦昭王

三十五年已置南陽郡而此又云攻韓取之亦似可

疑若江陵之南郡則楚地非韓地也

秦始皇本紀

嫪毐封爲長信侯索隱云按漢書嫪氏出邯鄲王劭云

其郡直在始皇王六年始
全受其地而韓卽於次
年亡矣六國表魏安釐王
四年與秦南陽以和魏世
家同時爲秦昭王五十四年
秦昭王卽王三十五年所著
初置南陽郡是魏之南
陽非韓之南陽故始皇本
紀復大書十六年九月發
受韓南陽也韓時南陽
魏之南陽卽封之南陽
南陽卽今之南陽府地
相接故韓堅守之南陽失
而國遂亡也

賈侍中說秦始皇母子卽與嫪毐淫坐誅故世人罵

淫曰嫪毐也 案賈侍中說以下出許叔重說文其

所引漢書則班氏无此文當是漢書注也南越傳嬰

齊取邯鄲嫪氏女索隱云嫪音紀虬反嫪姓出邯鄲

此嫪字正義亦音紀虬反蓋嫪嫪古文通用今人讀

嫪爲郎到切非也

九年正義云穆帝永和八年石勒爲慕容俊所滅 俊

與儁同是歲儁滅丹閔非石勒也

梁傳至天正二年侯景破梁至廣陵 案侯景廢簡文

帝而立豫章王棟改元天正是年景卽篡位明年景

久而傳國璽入于齊則天正无二年也此云天正二年蓋據北齊紀載之文削侯景之年亦不用承聖號也

搏心揖志牽隱云搏古專字左傳云如琴瑟之專壹

搏當作搏說文搏壹也俗本搏作搏尤誤揖古輯字書輯五端史記亦作揖

北過大夏正義云杜預云大夏太原晉陽縣按在今并州予謂正義說非也始皇立石誇聲教之遠豈近取晉陽之地乎周書王會解正北空同大夏大宛傳張騫從月氏至大夏卽其地也

別黑白而定一尊 李斯傳別作辨古書辨与別通周禮小宰聽稱責以傅別故書作傅辨

異取以爲高 李斯傳作異趣

雖萬世世不軼毀正義云軼徒結反 軼与迭同古書軼迭二字多通用左氏傳彼徒我車懼其侵軼我也釋文軼直結反讀如迭成十三年迭我殺地亦侵軼之義封禪書軼興軼衰漢書作迭興迭衰

飯土壙啜土形 李斯傳壙作匱形作釧古文簋与匱同讀若九与壙音相近太史公自序形作刑壙亦作簋徐廣注云一作漚說文无壙字則此文當爲漚也

子嬰爲秦王四十六日 李斯傳子嬰立三月

項羽本紀

項梁使沛公及項羽別攻城陽 城陽當作成陽縣名

屬濟陰郡非齊之城陽國也

誰爲大王爲此計者 此時沛公未爲漢王蓋臣下尊

之之稱項羽亦未自王故沛公呼爲將軍而范增項

莊已稱爲君王樊噲張良亦稱爲大王史亦屢書項

王皆據當時相尊之詞

烏江亭長檣船待 檣當從鄒氏本作樣樣与漾同

高祖本紀

秦泗川監平注文穎曰泗川今沛郡也 案曹參世家

樊噲周昌傳俱作泗水漢書地理志沛郡秦泗水郡

而本紀亦作泗川

別攻城陽屠之 城當作成卽下文所謂至成陽与杠

里者也

至成陽與杠里索隱云成陽縣名杜濟陰韋昭云杜穎

川非也 按成陽漢書作陽城故韋昭以穎川之陽

城當之當從史記作成陽爲是

高祖已擊布軍會甄注按漢書音義會音僧保邑名甄

音直僞反索隱云漢書甄作缶音保非也 案漢志

沛郡蘄縣有疉鄉高祖破黥布師古音疉爲直恚反
卽此會甄也隸書垂似缶故漢書高紀譌爲缶字孟
康讀會爲僧保之僧非讀甄爲保小顏未達孟義妄
有訾警小司馬又承顏之謬而不察尔

呂后本紀

得定陶戚姬注如淳曰姬音怡眾妾之總稱也索隱云
如淳音非也姬周之姓天子之宗女貴于它姓故遂
以姬爲婦人美號 予謂姬从臣聲姬妾字讀如怡
乃是正音六朝人稱妾母爲姨字易而音不殊与姬
姓讀如基者有別如淳去古未遠當有所受小顏小

司馬輩輒非之誤矣

寧蚤自財 財与裁同悔不早自引決也漢書高五王
傳財作賊小顏訓爲害義亦通

更名梁曰呂呂曰濟川 案呂后二年割齊之濟南郡
爲呂王奉邑及呂產徙王梁地改呂國曰濟川以王
孝惠之子則濟川卽濟南也諸呂旣誅先徙濟川王
于梁乃告齊王令罷兵蓋仍以濟南還齊矣

孝文本紀

古者殷周有國治安皆千餘歲 案殷周有天下皆不
及千歲云千餘歲者并稷禹受封之年計之漢書作

且千歲

子某最長 案高帝紀書文帝名景帝紀書武帝名此
稱某例亦不一

孝景本紀

二年封故相國蕭何孫係爲武陵侯 表作武陽其名
嘉非係也

三年立楚元王子平陸侯劉禮爲楚王正義云應劭云
平陸西河縣 案東平國有東平陸縣此劉禮所封
邑也水經注据陳畱風俗傳以尉氏之陵樹鄉故平
陸縣指爲劉禮所封者失之若應劭韋昭輩以爲西

河之平陸則謬甚矣

五年五月丁卯封長公主子嬌爲隆慮侯 案年表中

元五年五月丁丑隆慮侯嬌元年徐廣据本紀以證
表之非予攷功臣表隆慮侯周通以中元元年有罪
國除則嬌之封隆慮必在中元年以後紀書于前五
年者非矣漢書年表景帝中五年隆慮侯融以長公
主子侯二十九年坐母喪未除服姦自殺館陶公主
卒于元鼎元年距孝景中五年正二十九歲又足證
史記之表是而紀非也融与嬌字形相涉而譌

六年封趙丞相嘉爲江陵侯 表作江陽

中元年封故御史大夫周苛孫平爲繩侯 据表是年封周成孫應乃苛之曾孫也平則嗣應爲侯者徐廣云平一作應近之

中六年城陽共王薨正義云城陽今濮州雷澤縣古成陽也 按城陽國治莒漢志謂文帝二年別爲國者是也濮州之成陽漢時屬濟陰郡乃梁地非齊地且成城字異正義說非是

孝武本紀 張晏云此紀褚先生補作予謂少孫補史皆取史公所闕意雖淺近詞无雷同未有移甲以當乙者也或魏晉以後少孫補篇亦亾鄉里妄人取此

呂足其數爾秦始皇本紀末有漢明帝十七年十月云云平津侯傳末有太皇太后詔大司徒大司空云云司馬相如傳贊有揚雄以爲靡麗之賦勸百風一云云皆魏晉以後人竄入

有司與太史公祠官寬舒等議 按封禪書兩稱太史公与祠官寬舒連文而不著名爲其父諱也是年郊雍爲元鼎四年其明年冬至郊拜泰一皆談爲太史公時事談以元封元年卒卒後遷始繼之漢志稱談名得其實矣以太史公爲太史令則據後官制追改之

與王不相中得 得字衍

不虞不驚 古文虞与吳通漢碑亦有不虞不揚之文

今封禪書作不吳乃後人据毛詩私改

黃帝得寶鼎宛侯 封禪書作宛胸宛胸蓋地名濟陰

郡冤句縣是也漢志作冕侯冕卽冤之譌侯句音相

近

史記二

廿二史攷異二

錢大昕學

三代世表

抱之山中注抱音普茅反 抱讀爲拋說文無拋字徐

氏新附有之从尤从力于義無取蓋卽抱之譌

十二諸侯年表

人事淡 淡與市同

庚申共和元年 史公以漢武太初元年歲在焉逢攝

提格據此上推共和之元不值庚申且漢人言太歲

百四十四年而超一辰不皆依六十之序故史公作

表有年歲而無干支此表庚申甲子甲戌之類蓋徐
廣注非史記本文

周襄王十四年叔帶復歸于周 本紀在十二年

魯孝公稱元年伯御立爲君稱爲諸公子十一年周宣
王誅伯御立其弟稱是爲孝公 案魯世家伯御卽
位十一年周宣王伐魯殺其君伯御立稱是爲孝公
二十七年孝公卒漢書律歷志伯御卽位十一年孝
公卽位二十七年與世家合表乃以伯御之元年卽
爲孝公之元年故孝公有三十八年失其實矣
魯莊公三十二年莊公弟叔牙鳩死子般季友奔陳

子般上下皆當有脫文

齊靈公二十七年晉圍臨淄晏嬰大破之 按齊世家
靈公走入臨菑晏嬰止靈公靈公弗從此文當有脫
誤

晉厲公壽曼 春秋晉弑其君州蒲卽厲公也蒲乃滿
之譌曼滿聲相近古書酬酢字或作醕是壽與州通
衛文公二十三年重耳從齊過無禮 世家在十六年
衛殤公狄 世家作秋秋狄皆焱之譌漢書古今人表
作焱春秋作剽剽焱音相近

衛君起元年石傳遂起出索隱云傳音圃或作專音敷

左傳作石圃圃傳音相近傳蓋傳之譌專亦當為專

六國表 十二諸侯年表始于共和共和以前則三代

世表紀之終于周敬王四十三年孔子歿後二年故序云自共和訖孔子

其時惟陳曹先亾耳史公以六國表繼之晉衛附

于魏鄭附于韓魯蔡附于楚宋附于齊各述其後事

呂續前表文簡而法密矣三家分晉魏得晉之故都

故魏人自稱晉國孟子書梁惠王周霄皆云晉國而韓趙則否史公

以晉附魏蓋以此

湯起于亳注徐廣曰京兆杜縣有亳亭 按殷本紀湯

始居亳皇甫謐曰梁國穀熟為南亳湯所都也書立

政有三亳說者以為湯始居南亳杜宋州穀熟縣西

南後徙西亳即河南偃師縣而景亳湯所盟地則宋

州北五十里大蒙城是也三亳非一地要非京兆之

亳亭明矣秦本紀寧公二年遣兵伐蕩社三年與亳

戰亳王奔戎遂滅蕩社徐廣云蕩一作湯社一作杜

皇甫謐以為亳王號湯西夷之國又云周桓王時自

有亳王號湯非殷也封禪書于杜亳有三杜王之祠

亦指此蓋京兆之亳乃戎王號湯者之邑而徐廣以

為殷湯所起其不然乎然此篇稱作事者必於東南

收功實者常於西北乃述禹興西羌周始豐鎬而及

於湯之起亳則史公固以關中之亳爲湯之亳矣
魏獻子韓宣子趙簡子 表始于周元王元年卽晉定
公三十六年也魏獻子舒以魯定公元年卒韓宣子
起之卒當夏杜其前安得此時尙存乎三家分晉唯
趙氏最强世次分明故于表首著簡子四十二年而
魏韓闕之蓋魏自文侯韓自武子以後年數乃可表
也後人妄益獻子宣子字於魏韓下失史公之旨矣
春秋傳魏舒之後有魏曼多世家作魏侈侈謚襄子
見世本此與趙簡子同時者當是魏侈也春秋傳韓
起之後有韓不信謚簡子而世家言宣子之後有貞

子簡子莊子未審當是何人

魏文侯二十五年太子罃生 罃爲子擊之子不當云
太子

齊威王六年晉伐到鮒陵索隱云劉氏鮒音屬沈反

沈當爲沈之譌鮒陵世家作博陵

趙成侯六年敗魏涿澤 魏齊世家竝作濁澤古文濁
涿通五帝本紀涿鹿或作濁鹿

秦昭王二年桑君爲亂誅 按秦本紀庶長壯與大臣
諸侯公子爲逆皆誅桑與壯音相近穰侯傳誅季君
之亂亦指桑君也

魏安釐王十一年秦拔我廩邱注徐廣曰或作邢邱
按秦本紀亦作邢邱當以邢爲是
秦楚之際月表

楚項別項于楚者義帝雖項氏所立羽不爲義帝用
也且項梁與沛公起兵皆杜陳涉未敗之前其後權
奉義帝不得竟係于楚

漢表列漢于趙齊之下燕魏韓之上趙齊強也趙先
于齊者據起之先後也

秦二世元年自是年七月以後諸侯以起兵之月爲
始以次數之項梁十二月籍十七月趙歇二十六月

田市十九月沛公二十九月韓廣三十月魏豹十八
月韓成二十一月皆計月不計年也義帝元年以後
諸侯以始封之月爲一月數至十二月卽稱二年一
月如韓王信之三年一月卽楚四年十月英布之二
年一月卽漢五年七月而漢王獨稱正月者別于諸
侯也趙歇田市韓廣魏豹韓成皆稱王已久則仍前
之月數之而不計其年歇終四十八月市終二十四
月廣終三十七月豹終三十八月成終三十七月前
後義例已爲不倫臨江王共敖與十八王同時封獨
不稱二年一月仍稱十三月敖終于三十一月敖子

驩終于十六月又何說也

漢興以來諸侯年表

漢獨有三河東郡潁川南陽自江陵以西至蜀北自雲

中至隴西與內史凡十五郡十五郡謂河東河南

河內東郡潁川南陽南郡即江陵漢中巴郡蜀郡隴西

北地上郡雲中并內史也五原郡元朔二年始置故不數

怵邪臣計索隱云怵音誓怵訓習怵當作怵傳寫之

譌

故齊分爲七趙分爲六梁分爲五淮南分三案此表

凡二十六格高祖始封同姓九國并齊趙梁淮南析

置十七國益以長沙當爲二十七格今檢表齊之下

爲六格趙之下爲五格梁之下止三格以濟陰附于

淮陽之後梁與淮陽地本相接也楚之下爲二格魯

泗水本楚地衡山淮南所分亦楚故地也廬江亦淮

南所分乃列于趙之下與清河爲一格似失其倫矣

高帝四年初王武王英布元年 武王二字衍布已誅

安得有諡

高后元年初置呂國 按呂國以齊之濟南郡置當杜

齊之下與濟南爲一行今列于梁之下誤也

孝文前元年分爲河間都洛城 洛城當爲樂城監本

作洛陽尤誤

十五年分爲膠西都宛注徐廣曰樂安有宛縣 宛上

當有高字

孝景前元年初置臨江都江都 當作都江陵

四年初王元年是爲孝武帝 是爲孝武帝五字後人

所增入也攻孝文封代王表直書其名而云高祖子

此亦當書名而云景帝子

中二年初置清河都濟陽 濟陽當作清陽漢書地理

志清河郡清陽縣注云王都是其證也

孝武建元元年 孝武二字亦後人所增

元鼎三年初置泗水都郟 按漢志泗水國領三縣凌

也泗陽也于也郟爲東海郡治不當割爲泗水國都

高祖功臣侯年表

百年之間見侯五正義云謂平陽侯曹宗曲周侯酈終

根陽河王氏本南監本並作楊阿侯齊王本監本仁戴侯祕蒙王本監本

作秋穀陵侯馮王本監本偃也 按史公作表終于

太初平陽曲周陽河戴四侯之免皆杜太初以後故

尙杜見侯之數也江鄒侯靳石以改封不與五人

之列然曲周侯終根其時已改封繆陽河侯仁其時亦

改封埤山矣是太初之世不止見侯五也陽河侯據

漢表乃其石之後齊其諡非姓也正義稱齊仁似誤
太初元年盡後元二年十八 按惠景間侯者年表建
元以來侯者年表末一格只云太初已後不計年數
此表亦當如此蓋史公紀事止于天漢不及見孝武
之崩也此後人所增改

陽陵索隱云陽陵屬馬翊 案馮翊之陽陵景帝陵也

漢制陵縣屬太常元帝始分屬三輔不以封諸侯

平陵 侯蘇建平陵侯范明友封國杜南 漢志陽陵故弋陽

陽武當縣非昭帝所葬之平陵 景帝更名則高帝時尙無陽陵之名楚漢春秋作陰

陵近之

廣嚴索隱云晉書地道記廣縣杜東莞嚴諡也下又云

壯班馬二史並誤 按嚴字衍文小司馬以嚴爲諡

卽下文所云壯侯也壯當爲莊班氏避諱作嚴非有

誤也後人又誤會班史增嚴于廣字之下亦非史公

之誤漢志齊郡有廣縣

酈侯呂台孝惠七年有罪 按漢書外戚侯表無呂台

有罪罷免之文

胡陵侯呂祿 漢表作漢陽

留 言上張旗志秦王恐降 志古文識字旗志者旗

幟也說文無幟字 徐氏新 附有之 幟取表識之義亦當作識

史漢多古字故爲志耳張蒼列傳沛公以周昌爲職志徐廣云主旗幟之屬叔孫通傳張旗志徐廣云一作幟

鄼 高后二年懿侯同元年同祿弟文帝元年同有罪封何小子延 按漢書蕭何傳子祿嗣蒙亾子高后乃封何夫人同爲鄼侯小子延爲筑陽侯孝文二年罷同更封延爲鄼侯漢表以同爲祿母史記以同爲祿弟既已乖迕且同以罪除何由更得諡懿此必史記之誤也

筑陽 文帝元年侯延元年 按此表延立十九年以

文帝後三年蒙子遺立一年以文帝後四年蒙則立四年以景帝元年有罪免皆封筑陽若據漢表及傳則延封筑陽乃杜高后時文帝元年更封鄼二年蒙當云子遺嗣一年遺弟則紹封二十年皆封鄼漢表則封武陽其不同如此蕭公爲漢元功史家叙其世系尙不免傳聞異詞紀載之難信自昔然矣

曲周索隱云縣名屬廣平 按漢志曲周縣武帝建元四年置蓋景帝之世酈寄以罪免國除爲鄉至孝武復置爲縣也

臨汝 侯賢行賅一本罪國除 漢表賢坐子傷人首

匿免與此異

建平周昌始封汾陰其子開方改封建平孫左車又

改封安陽也漢表失建平二字

成索隱云縣名屬涿郡按水經注淄水又逕邲北春

秋齊師圍邲邲人伐齊飲馬于斯水也漢高帝封董

濞為侯國成邲古字通左氏傳本作成

蓼以執盾前元年從起碭按蓼侯孔藜費侯陳賀

陽夏侯陳豨棘蒲侯陳武都昌侯朱軫河陽侯陳涓

芒侯昭漢表作彰棘邱侯襄阿陵侯郭亭厭次侯元頃

茵侯張平皆以前元年從穀陵侯馮谿汾陽侯靳彊

以前二年從汁防侯雍齒以前三年從所稱前元年

二年三年者高帝自稱沛公之年也入關王漢以後

始稱漢元年漢初王侯受封皆自稱元年亦用此例

費定會稽浙江湖陽湖陽漢表作湖陵

陽都索隱云漢志闕晉書地道記屬琅邪按漢志城

陽國有陽都縣後漢省城陽入琅邪小司馬云漢志

闕者非也

拜為將軍忠臣侯忠臣非官號史惟見此一人

汁邠功比平定侯按平定侯齊受孝惠元年始封

雍齒以高祖六年封不應轉準其例當有誤文或是

平侯沛嘉之謫

棘蒲索隱云漢志闕

按趙世家敬侯六年伐魏取棘

蒲正義云今趙州平棘縣古棘蒲邑也今攷陳武以

高帝六年封棘蒲侯而七年又封林摯爲平棘侯則

平棘非卽棘蒲或其地相去不遠棘蒲國除之後省

入平棘爾

都昌索隱云漢志闕

按北海郡有都昌縣水經注以

爲朱軫所封

武彊索隱云漢志闕

按曹相國世家還攻武彊因至

滎陽臣瓚云武彊城杜陽武水經注以爲莊不識所

封也

貫齊侯呂注徐廣曰呂一作台

漢表作合傳胡害合

與台字形相似也索隱單行本呂下有博國二字博

近博國近害未審誰是

海陽索隱云海陽亦南越縣地理志闕

按班志遼西

郡有海陽縣水經注以爲搖母餘所封

曲城索隱云漢志闕表杜涿郡

按漢志曲成縣屬東

萊卽此曲城也其後改封夜侯夜卽掖亦屬東萊小

司馬云漢志闕者非也又王子侯表有曲成侯萬歲

中山靖王之子表杜涿郡此又一曲成小司馬誤合

爲一

蠱逢 漢書作蟲達

任侯 侯字衍

昌武索隱云漢志闕 按漢志膠東國有昌武縣

侯單窳 漢表作單究

宣曲索隱云漢志闕 按貨殖傳有宣曲任氏小司馬

據上林賦西馳宣曲以爲當杜京輔也

絳陽索隱云漢志闕 按水經注澮水篇云新田又謂

之絳卽絳陽也蓋杜絳澮之陽漢高帝封華無害爲

侯國

東茅索隱云漢志闕一作柔 按琅邪郡有柔縣

臺索隱云臨淄郡有臺鄉縣 按兩漢無臨淄郡當是

齊郡也又濟南郡有臺縣

樂成索隱云漢志闕 按漢志河間國有樂成縣

蒯成索隱云漢志闕晉書地道記屬北地 按晉書地

理志蒯成屬始平不屬北地也高帝功臣侯百四十

七人班史皆不言其食邑所杜獨于蒯成云杜長沙

必有所據諸解紛紛皆無當也

復陽索隱云縣名屬南陽 按清河郡亦有復陽縣水

經注以爲陳胥所封

朝陽索隱云縣名屬南陽 按濟南郡亦有朝陽縣或稱東朝陽水經注以爲華寄封國也

相至 以駢憐從索隱云姚氏憐鄰聲相近 按姚氏名察有漢書訓纂三十卷

許溫索隱云漢表作許益 溫益聲相近

武原索隱云漢志闕 按漢志楚國有武原縣

橐索隱云漢志橐縣屬山陽 按橐當爲橐字之譌

彭索隱云漢表屬東海郡 按東海郡無彭縣武帝時

劉屈氂封澎侯晉灼云東海縣然漢志東海亦無澎

縣

甯索隱云漢表甯陽屬濟南郡 按武帝封魯共王子

恢爲寧陽侯國隸濟南郡卽漢志泰山郡之寧陽也

寧甯古字雖通然以後證前亦出意揣予謂春秋傳

晉陽處父聘于衛反過甯杜云甯晉邑汲郡修武縣

也當是魏選所封邑

襄平索隱云縣名屬臨淮 按水經注以遼東之襄平

爲紀通封國

龍索隱云廬江有龍舒縣蓋其地也 按水經注汝水

又西南逕龍鄉故城春秋成公二年齊侯圍龍者也

漢高帝封陳署爲侯國

陸梁 索隱本作陸量

義陵注徐廣曰一作義陽索隱云義陽縣杜汝南 按

武陵郡有義陵縣吳程以長沙柱國封侯當是武陵

之義陵非汝南之義陽且漢有兩義陽一杜南陽平

氏一杜東海厚邱皆不屬汝南疑小司馬誤也

吳程 漢表作吳郢古文程與郢通孟子文王卒于畢

郢郢即程邑

禾成索隱云漢志闕 按水經注濁漳水篇云斯汶水

又東南逕和城北漢高帝封郎中公孫耳為侯國

汶侯索隱云漢表作汶 侯字衍汶蓋汶之瀉水經注

汶水又東北逕波縣故城北漢高帝封公上不害為

侯國

江鄒侯石坐為太常行太僕事治晉夫可年益縱年國

除 按漢表坐為太常行幸離宮道橋苦惡太僕敬

聲繫以謁聞赦免與此異

衍索隱云漢志闕 按蘇秦說魏襄王云北有河外卷

衍酸棗則衍亦河南郡地

平州索隱云漢志闕晉書地道記屬巴郡 按漢志西

河郡有平周縣而路博德傳稱西河平州人疑州與

周通也又春秋傳會于平州杜預云杜泰山牟縣西

元封三年封朝鮮降將啖爲平州侯表杜梁父蓋卽
春秋之平州也平州雖有三名漢初封國當以梁父
者近是

博陽索隱云縣名屬彭城 按彭城卽楚國漢志楚國
有博陽縣古偃陽國此博陽必博陽之譌也且同時
有博陽侯陳鼻不應同名小司馬注史記時尙未誤
後來轉刻譌爲博爾

戚索隱云漢志闕晉地道記屬東海 按班志東海郡
明有戚縣鄭氏音憂戚小司馬乃云志闕何其謬也
水經注今頓邱衛國縣西戚亭漢高帝封李必爲侯

國此則春秋之戚非東海之戚也酈說近之

桃索隱云縣名屬信都 按水經注濁漳水篇云衡漳
又東北逕桃縣故城北漢高祖封劉襄爲侯國此信
都之桃也又濟水篇云濮渠逕桃城南卽戰國策所
謂酸棗桃虛也漢高帝封劉襄爲侯國此東郡之桃
也

高粱索隱云漢志闕 按水經注汾水過高粱邑西故
高粱之墟也春秋秦穆公納公子重耳于晉害懷公
于此漢高帝封酈介于斯邑

紀信 此侯國注家皆闕其地疑本封紀侯而衍信字

爾或云信匡兩字謚

甘泉索隱云案志甘泉闕疑甘泉是甘水 按甘水縣漢志亦闕小司馬說未審所據予謂雍之甘泉其名舊矣王競封邑疑卽此漢表作景合日泉爲一字

菌注徐廣曰一作鹵 按代郡有鹵城縣

惠景間侯者年表

扶柳索隱云縣名屬信都 按水經注以琅邪之扶縣爲呂平侯國蓋鄰氏所見本異

平定索隱云漢志闕或鄉名 按漢志西河郡有平定縣

上邳 按水經注泗水篇云濞水又西逕仲虺城北晉太康地記曰奚仲遷于邳仲虺居之史記楚元王子邳封上邳侯有下故此爲上矣

樂平索隱云漢志闕 按漢宣帝封霍山爲樂平侯表杜東郡

山都索隱云漢志闕 按漢志南陽郡有山都縣水經注云本南陽之赤鄉漢高后封王恬爲侯國

呂成侯呂忿 按水經注涑水篇云紫谿又逕宛西呂城東史記呂尙先祖受封于呂徐廣音義曰呂杜宛縣高后四年封昆弟子呂恕爲呂城侯疑卽此也今

本恕作忝或傳寫之誤

樂昌侯張受 按後漢書張酺傳云張敖子壽封細陽之池陽鄉蓋本析細陽地爲樂昌國也細陽本隸汝南宣帝封王武爲樂昌侯漢表在汝南卽壽故封也樂昌侯國元始初尙存不審地理志何以闕之列傳作張壽壽受音相似

祝茲索隱云漢書作琅邪 按高后四年封松茲侯徐厲漢表作祝茲而史記文帝紀周亞夫世家亦有祝茲侯徐厲名說者疑徐厲已封祝茲則此呂榮所封當依漢書作琅邪然徧檢各本漢表祝茲侯呂瑩無

有作琅邪者則單文孤證未可信也及讀漢書王子侯表祝茲侯延年下注琅邪字乃悟索隱本云漢表在琅邪後人傳寫譌爲書作二字爾今攷定當以廬江之松茲爲徐厲國琅邪之祝茲爲呂榮國也

清郭 清讀若靖卽戰國策之靖郭也王氏本作清都監本作清源皆誤

周陽索隱云縣名屬上郡 按上郡有陽周縣無周陽小司馬本蓋作陽周故援志以實之耳正義引括地志云周陽故城在絳州聞喜縣東二十九里見文帝紀此卽水經所云周陽邑蓋河東郡地也予謂駟鈞以齊

王舅父得侯卽裂齊地而封之趙兼以淮南舅父得侯其封邑亦當杜淮南境內且兼得罪失侯未幾卽以淮南王子賜爲周陽侯同時侯者阜陵東城皆淮南故地則此周陽亦宜杜淮楚之間不特非上郡之陽周恐亦非河東之周陽矣

管索隱云管古國今爲縣屬滎陽 按地理志濟南郡

有管縣字从艸當是罷軍所封非河南之管城也

斥邱索隱云縣在魏郡 漢表作氏邱史記本或作瓜

邱小司馬以魏郡之斥邱當之子謂斥邱侯唐厲高帝所封傳三世至元鼎初尙無恙不應更封宅人

平昌索隱云縣名屬平原 按漢志琅邪平原二郡皆

有平昌縣水經注以琅邪之平昌爲劉卬所封

白石索隱云縣名屬金城 案金城郡昭帝始置且距

齊地絕遠不應文帝時以封齊悼惠王子也

安陽 小司馬本作安陵故云縣名屬馮翊恐別有安

陵今刊本刪此五字 按馮翊之安陵惠帝所葬不應建爲侯

國故小司馬疑其別有一安陵不知其爲安陽之譌也漢志汝南郡有安陽縣水經注以爲劉勃所封也

陽周 淮南傳作周陽而諸侯年表及此表竝作陽周誤也漢表亦作陽周其誤與此同

犁索隱云縣名屬東郡 犁與黎同

弓高索隱云漢表杜營陵 按漢志河間國有弓高縣

水經注以為韓穰當所封也營陵縣屬北海郡疑漢

表誤或河間別有營陵鄉

右孝文時二十九

汲古閣本作二十八誤

今數之止二十八蓋

脫陽邱侯劉安一人據索隱單行本陽邱當杜陽虛

之後蓋傳寫失之漢表不數章武南皮二侯故云二

十七人

建陵 按東海郡有建陵縣水經注以為衛綰所封

江陽索隱云縣名杜東海 按漢志東海無江陽縣惟

犍為郡有江陽水經注以為蘇嘉所封也

山陽 按漢志河內郡有山陽縣

周陽索隱云縣名屬上郡 按水經涑水又西過周陽

邑南酈元以為田勝封國也上郡有陽周無周陽

建元以來侯者年表

符離索隱云縣名屬沛郡 漢表作邳離邳離在朱虛

小司馬以沛之符離當之其說雖本于水經注要不

如漢表之足據

壯索隱云表杜東平 漢表作杜注云重平蓋東平之

譌

龍亢以校尉穆世樂擊南越歿事子侯 南越傳作穆

樂無世字 漢書同 穆當从手旁

成安索隱云表在郊志在陳留 郊當作邾字之譌也

漢志陳留潁川竝有成安縣潁川之成安蓋分邾縣

置卽延年封國也水經注汝水篇旣以潁川之成安

爲韓延年封邑而汝水篇又以陳留之成安爲延年

所封蓋攷之未審矣

將梁索隱云表志闕 按王子侯者表中山靖王子朝

平以元朔二年封將梁侯元鼎五年坐酎金國除此

楊僕以元鼎六年封蓋卽朝平故邑本中山地而改

隸涿郡也

下酈 按水經注湍水東南流逕南酈縣故城東史記

所謂下酈也漢武帝封左將黃同爲侯國

涉都索隱云表杜南陽 水經注云案郡國志筑陽縣

有涉都鄉

秭 秭當作廡說文廡从广秝聲濟陰有廡縣

子宏代立 據漢表嗣日禪者子賞非宏也

商利侯王山 漢表作王山壽

爰戚 今帝復立子爲廣陵王 按廣陵王霸以厲王

子紹封杜元帝初元二年褚先生所稱今帝謂元帝

也而張蒼列傳稱孝元帝將相名臣年表續至成帝
鴻嘉元年歷書亦數至成帝建始四年較將相表是
少孫補綴前後亦非一時

建元已來王子侯者年表

宜春索隱云表志闕 按漢志汝南豫章皆有宜春縣

此長沙王子封邑當杜豫章水經注亦曰豫章之宜
春為劉成國也

廣戚索隱云表志闕 按漢志沛郡有廣戚縣

盱台索隱云表志闕 按漢志臨淮有盱眙縣即盱台

睢陵 漢表作淮陵景十三王傳作淮陽漢志淮陵睢

陵二縣竝屬臨淮郡水經注以睢陵為江都易王子
楚所封

劇索隱云表志闕 按漢志菑川國有劇縣

平望索隱云表志闕 按水經注平望亭杜平壽縣故

城西北八十里漢武帝封菑川懿王子劉賞為侯國

益都索隱云表志皆闕 按青州益都縣曹魏所置疑

即漢之侯國地

尉文索隱云表在南郡 按趙世家孝成王以尉文封

廉頗為信平君是尉文為趙地漢表云南郡恐誤

東城索隱云志屬九江 此侯趙敬肅王子恐非九江

之東城

房光 漢表作芴光古音房如芴

阿武索隱云表志皆闕 按漢志涿郡有阿武縣

蓋胥索隱云漢志杜太山表在魏郡 按泰山郡有蓋

縣無蓋胥縣此侯為河間獻王之子當從漢表屬魏

郡不當屬泰山

平索隱云志屬河南 此侯為濟北所分其封國未必

杜河南

皋狼索隱云表在臨淮 按漢志西河郡有皋狼縣代

與西河接壤當是西河之皋狼也

千章索隱云表杜平原 按漢志西河郡有千章縣

有利索隱云表志闕 按水經注沫水篇云武陽溝水

東出倉山山上有故城即古有利城矣漢武帝封城

陽共王子劉釘為侯國

南城索隱云表志闕 按東海郡有南成縣即南城也

後漢改屬泰山郡

廣陵常侯劉表 漢表常作虓晉灼音斯索隱本亦是

虓字

千鍾侯劉搖 漢表作重侯擔師古音丁甘反予謂搖

古字作摺故譌為擔漢志渤海郡有千童縣水經注

呂爲河閒獻王子封國也

定敬侯劉越 索隱本敬作敷注中敷字皆敷之譌漢

表作敷侯五字索隱本無之

柳索隱云表志闕 按漢志勃海郡有柳縣水經注呂

爲齊孝王子陽封國也地理風俗記云高城縣東北

五十里有柳亭 見水經注
淇水篇

樊輿索隱云表志闕 按漢志涿郡有樊輿縣

夫夷 按漢志零陵郡有夫夷縣水經注以爲長沙定

王子義所封也

春陵索隱云志屬南陽 按劉買封邑本杜冷道縣春

陵鄉元帝時徙南陽蔡陽縣白水鄉表所書者徙封
之邑也

雩殷 漢表作虜葭志作雩段此殷蓋段字之譌

父城索隱云志在遼西表杜東海 按漢表作文成故

小司馬以遼西之文成當之然此侯爲城陽頃王之

子當從漢表杜東海必不遠至遼西也

涓索隱云表作涓杜東海按涓水杜南陽有涓陽縣疑

表非也 按涓侯不疑乃城陽頃王之子其封國與

東海相近故別屬東海不得遠引南陽之涓水爲證
也

襄陵索隱云表杜鉅鹿志屬河東 漢表作襄隄小司
馬引河東之襄陵亦迂遠

漢興以來將相名臣年表

孝惠二年何夔 按蕭曹皆相國而何書夔參書卒陳
平灌嬰皆丞相而平書夔嬰書卒此後丞相無書夔
者褚先生所續惟蔡義黃霸韋元成三人書夔餘皆
書卒太僕滕公非將相而亦書卒

孝景元年置司徒官 漢初無司徒司空之官此必太
尉之譌表於三年已書置太尉官此重出又舛誤
四年御史大夫蚡 漢表蚡作介又是年封皇子徹爲

膠東王表失書蓋轉寫脫之

六年御史大夫陽陵侯岑邁 漢表不載

後二年御史大夫岑邁卒 按自孝景六年至此十有
一年中間有劉舍衛綰直不疑相繼爲御史大夫何
以又有岑邁廁其間此班史所以疑而闕之

征和二年劉屈氂爲丞相封彭城侯 城字衍漢表彭
作澎

黃龍元年樂陵侯史子長爲大司馬車騎將軍 子長
史高字也表當書名而誤書字

河平三年太僕平安侯王章爲右將軍 此王舜之子

漢志千乘郡有平安侯國卽舜所封也恩澤侯表外
戚傳俱作安平誤

攷異二

史記三

廿二史攷異三

錢大昕學

禮書 張晏謂禮書樂書遷沒之後亾今二篇俱有今
上卽位之文似非盡褚先生所補

社至于諸侯函及士大夫索隱云舍謂包容鄒誕生音
陷徒濫反意義亦通今案大戴禮作導及士大夫導
亦通也今此爲陷者當以導與蹈同後足字失止唯
有口孛故使解者得以穿鑿而用也 予謂函及者
覃及也說文弓暉也讀若舍函从弓得聲亦与暉同
義古文導與禫同士喪禮中月而禫古文禫作導說

文椽讀若三年導服之導亦謂禫服也導與禫通則亦與覃譚通而陷又與譚同音是文異而實不異小司馬疑陷為蹈之譌由不知古音之變易也

音召形聲俱別

樂書

高祖過沛詩三侯之章索隱云侯語辭也今亦語辭沛詩有三兮故云三侯也 侯兮聲相近

其聲噍以殺 索隱本作焦

志微焦衰之音作 古文殺與衰通易神武不殺虞仲

翔本作衰

石聲硜硜以立別 樂記硜作磬別作辨按說文硜即

磬之古文釋名磬磬也聲堅磬磬然論語子擊磬于

衛荷蕢言鄙哉硜硜乎硜硜猶磬磬謂磬聲也鐘磬

皆以聲得名鄭康成注樂記謂磬當為磬蓋誤以磬

為器名不知磬即硜也辨別聲義皆同古人徃徃通

用

律書

聞聲效勝負 效見也

晉用咎犯正義云狐偃也咎季也又云胥臣也 案古

文舅為咎

見士昏禮注

狐偃晉文公之舅故稱咎犯禮記

亦作舅犯也正義以爲二人未詳所據咎季卽胥臣
左傳謂之曰季

不周風居西北主殺生 按八卦之位乾居西北故八
風始於西北易坤之上六龍戰于野謂十月之卦也
說卦傳戰乎乾乾西北之卦陰陽相薄故云主殺生
與易義同五行家以亥爲天門遁甲乾主開門史公
所謂辟生氣而東之也

牛者冒也 牛牙音之收聲冒唇音之收聲聲不類而
轉相訓者同位故也古人以反側與輾轉對顛沛與
造次對元首與股肱對反側顛沛讀如貝同爲出聲元

首同爲收聲則亦爲雙聲矣徵諸經典如多訓祇鈞
訓等蔽訓斷遡訓鄉振訓救曹訓羣憑訓大冢訓媠
貫訓中槃訓大袵訓單皆以諧聲取義牛之訓冒亦
此例也

東至于建星 唐一行日度議謂甄曜度及魯歷南方
有狼弧无東井鬼北方有建星无南斗此書述二十
八舍亦曰建星易南斗狼弧易東井輿鬼然則史公
所用始魯歷與

條風居東北主出萬物 東北者良方也萬物之所成
終而所成始故主出萬物於遁甲爲生門

箕者言萬物根棋 棋讀如芟易箕子之明夷趙賓以
爲箕子者萬物方芟茲也其義蓋本於史公徐廣云
棋一作橫橫蓋核字之譌核亦有該音

清明風居東南維主風 東南者巽方也故主風

涼風居西南維主地 西南者坤方也故主地於遁甲
爲死門故云萬物就死氣也

北至于罰 罰与伐同此敘二十八舍有罰无觜觿

北至于留索隱云留卽卯也毛傳亦以留爲卯 卯卽
昴字詩維參與昴毛云昴留也孔疏引元命包云昴
之爲言留也言物成就繫留也昴留旣爲一物留从

卯則昴亦當从卯而讀如柳矣卯古文酉仲秋建酉
之月此文以留屬八月益徵昴當从卯不从卯也今
本說文昴从卯蓋傳寫之譌然徐仙民讀昴如茅陸
氏釋文亦音卯廣韻亦收入上聲巧部則此音之譌
久矣

戊者言萬物盡滅 說文戊滅也五行火死于戊陽氣
至戊而盡故威从火戊

太蔟長七寸七分二

七分當作十分

角

角當作商晉書律歷

志云司馬遷言五音相生以宮生角角生商商生徵
徵生羽羽生宮求其理用罔見通途依晉志次之林

鐘爲角南呂爲徵姑洗爲羽則太簇必爲商可知也
生鐘分子一分 謂黃鐘長九寸其數八十一爲十二
律之本

丑三分二 謂林鐘長六寸其數五十四于黃鐘本數
中得三分之二也下仿此

寅九分八 謂太簇長八寸其數七十二得黃鐘本數
九分之八

卯二十七分十六 謂南呂長五寸三分寸之一也以
分子爲實前兩位分母爲法實如法得寸分之數後
仿此其數四十八

辰八十一分六十四 謂姑洗長七寸九分寸之一也
其數六十四

巳二百四十三分一百二十八 謂應鐘長四寸二十
七分寸之二十也其數四十二又三分之二史公以
九分爲寸故云長四寸二分三分二自此以下俱有
零分

午七百二十九分五百一十二 謂蕤賓長六寸八十
一分寸之二十六也其數五十六又九分之八故云
長五寸六分三分二 今本作一誤 其實不止三分之二史
約其大率耳

未二千一百八十七分一千二十四 謂大呂四寸二

百四十三分寸之五十二倍之則為八寸二百四十

三分寸之一百四也 鄭康成注周禮大呂夾鐘中呂皆用倍律 蕤賓下生得正律

若上生則其數七十五又二十七分之二十三 此用

得倍律 乘之故云長七寸五分三分二 今本作一誤 亦尚有餘分

也

申六千五百六十一分四千九十六 謂夷則長五寸

七百二十九分寸之四百五十一也其數五十又八

十一分之四十六故云長五寸 今本下有四 三分二

其實不足三分之二舉其大數也

酉一萬九千六百八十三分八千一百九十二 謂夾

鐘長三寸二千一百八十七分寸之一千六百三十

一倍之則為七寸二千一百八十七分寸之一千七

十五也其數六十七又二百四十三分之一百三故

云長六寸七 今本作一誤 分三分一亦尚有餘分

戌五萬九千四十九分三萬二千七百六十八 謂無

射長四寸六千五百六十一分寸之六千五百廿四

也其數四十四又七百二十九分之六百九十二故

云長四寸四分三分二尚有餘分

亥十七萬七千一百四十七分六萬五千五百三十六

謂仲呂長三寸一萬九千六百八十三分寸之六千四百八十七倍之爲六寸一萬九千六百八十三分寸之一萬二千九百七十四也其數五十九又二千一百八十七分之二千三十九故云長五寸九分三分二亦尚有餘分也若以十二律配十二月則陽律居本月陰律居其對月如林鐘丑而杜未月南呂卯而杜酉月是也大呂以下必用倍律者以律配月丑月之律不可短于寅律卯月之律不可短于辰律巳月之律不可短于午律故必倍其數而後長短適如其次也而倍律之數則惟蕤賓重上生始得之蕤賓之下生者正律之寸分也重上生者倍律之寸分也史公言十二律分寸取倍數言生鐘分取正數各有所當不可偏廢也

上九商八羽七角六宮五徵九索隱云此文似數錯未暇研覈也 予族子唐以太元淮南天文訓證明史公之義其說確不可易今述之左方太元云甲巳之數九乙庚八丙辛七丁壬六戊癸五淮南云戊子黃鐘之宮也庚子無射之商也壬子夷則之角也甲子中呂之徵也丙子夾鐘之羽也蓋古法六十律旋相爲宮黃鐘爲宮起戊子則林鐘爲徵配巳丑太族爲

商配庚寅南呂爲羽配辛卯姑洗爲角配壬辰次應
鐘爲宮配癸巳蕤賓爲徵配甲午大呂爲商配乙未
夷則爲羽配丙申夾鐘爲角配丁酉次無射爲宮配
戊戌中呂爲徵配己亥黃鐘爲商配庚子故云庚子無射之商
林鐘爲羽配辛丑太族爲角配壬寅次南呂爲宮配
癸卯姑洗爲徵配甲辰應鐘爲商配乙巳蕤賓爲羽
配丙午大呂爲角配丁未次夷則爲宮配戊申夾鐘
爲徵配己酉無射爲商配庚戌中呂爲羽配辛亥黃
鐘爲角配壬子故云壬子夷則之角次林鐘爲宮配癸丑太族
爲徵配甲寅南呂爲商配乙卯姑洗爲羽配丙辰應

鐘爲角配丁巳次蕤賓爲宮配戊午大呂爲徵配己
未夷則爲商配庚申夾鐘爲羽配辛酉無射爲角配
壬戌次中呂爲宮配癸亥黃鐘爲徵配甲子故云甲子中呂
之林鐘爲商配乙丑太族爲羽配丙寅南呂爲角配
丁卯次姑洗爲宮配戊辰應鐘爲徵配己巳蕤賓爲
商配庚午大呂爲羽配辛未夷則爲角配壬申次夾
鐘爲宮配癸酉無射爲徵配甲戌中呂爲商配乙亥
黃鐘爲羽配丙子故云丙子夾鐘之羽林鐘爲角配丁丑次太
族爲宮配戊寅南呂爲徵配己卯姑洗爲商配庚辰
應鐘爲羽配辛巳蕤賓爲角配壬午次大呂爲宮配

癸未夷則爲徵配甲申夾鐘爲商配乙酉無射爲羽
配丙戌中呂爲角配丁亥而六十律終矣戊癸爲宮
聲故宮之數五甲巳爲徵聲故徵之數九乙庚爲商
聲故商之數八丙辛爲羽聲故羽之數七丁壬爲角
聲故角之數六也

置一而九三之以爲法 此下當云十一三之以爲實

轉寫脫之

歷書

明者孟也幽者幼也 明孟聲相近古讀明如苾而孟
亦与苾通戰國魏有苾卯它書作孟卯又与兪通後

漢書趙岐作兪子章句

今本作要子字相涉而譌

卽孟子也毛公

詁詩正爲長冥爲幼而鄭康成箋之以正爲晝冥爲
夜狀則晝爲長夜爲幼与大戴太史公之義正同

歸邪于終注邪音餘 邪餘聲相近

注陳術云徵士巴郡落下閔 陳術蜀人謨益部耆舊

雜記

其更以七年爲太初元年年名焉逢攝提格索隱云爾
雅歲在甲曰焉逢寅曰攝提格則此甲寅之年十一
月甲子朔旦冬至也此篇末亦云寅名攝提格則是
甲寅不疑也又據二年名單闕三年名執徐等年次

分明而漢志以爲其年在丙子當是班固用三統與太初歷不同故與太史公說有異 按索隱之說非也漢志云迺以前歷上元泰初四千六百一十七歲至于元封七年復得闕逢攝提格之歲中冬十一月甲子朔旦冬至日月在建星太歲在子狀則班史何嘗不云闕逢攝提格之歲與太史公說曷嘗有異乎古法歲陰與太歲不同太歲與歲星常相應歲星自丑右行太歲自子左行歲在星紀則太歲必在子在元枵則太歲必在丑歲星自四十有四年而超一辰卽太歲亦超一辰矣太初之元歲在星紀故漢志以

爲太歲在子而當時詔書以爲年名闕逢攝提格者乃指歲陰所在非太歲所在也歲陰亦謂之太陰又曰青龍亦左行周十二辰而常在太歲之前二辰如太歲在子則太陰在寅太歲在丑則太陰在卯也淮南天文訓太陰在寅歲名曰攝提格太陰在卯歲名曰單闕太陰在辰歲名曰執徐太陰在巳歲名曰大荒落太陰在午歲名曰敦牂太陰在未歲名曰協洽太陰在申歲名曰涒灘太陰在酉歲名曰作鄂太陰在戌歲名曰闔茂太陰在亥歲名曰大淵獻太陰在子歲名曰困敦太陰在丑歲名曰赤奮若蓋古人已

太陰紀歲攝提格以下十二名皆謂太陰所在淮南
子言太陰元始建于甲寅故以焉逢攝提格之歲爲
歷元而太初三統推上元日月五星皆起于星紀故
太歲起丙子史記歷術甲子篇云甲寅年者以太陰
所在紀歲名班史云歲名困敦乃真太歲所在也東
漢以降術家鮮知太陰太歲之別又不知太歲超辰
之義而古書多難通矣

太初元年歲名焉逢攝提格月名畢聚日得甲子夜半
朔旦冬至索隱云聚音媿謂月值畢及媿訾也畢月
雄也聚月雌也 按爾雅月在甲曰畢正月爲陬十

一月爲辜此冬至之月建子月也月陽在甲當云畢
辜而云畢聚者聚与陬古文通用天正之月亦可云
陬也索隱謂月值媿訾則是建寅之月非冬至矣

徒維敦牂天漢元年 此篇載歲陽名焉逢爲甲端蒙
爲乙游兆爲丙強梧爲丁徒維爲戊祝犁爲己商橫
爲庚昭陽爲辛橫艾爲壬尚章爲癸皆与尔疋異焉
与闕端与旃游与柔梧与囹音本相近戊己以下則
音義全別且多違反蓋漢儒傳授各異尔徐廣注單
闕一作真安游兆一作游桃亦音相近也

天官書

中宮天極星 此中宮天極星及東宮蒼龍南宮朱鳥
西宮咸池北宮元武五宮字皆當作官按下文云紫
宮房心權衡咸池虛危此天之五官坐位也可證史
公本文皆作官矣索隱于中宮下引春秋元命包官
之爲言宣也古人取音義相協展轉互訓以宣訓官音相近也流俗本亦譌作宮由于不知
音下文紫宮下乃引元命包宮之言中也又可證小
司馬元本中宮作中官矣小司馬解天官云天文有
五官官者星官也星座有尊卑若人之官曹列位故
曰天官
司其出所守 司古伺字

北宮元武虛危 北方七宿不及東壁蓋傳寫失之
以攝提格歲歲陰左行在寅歲星右轉居丑 歲陰者
太陰也淮南天文訓天神之貴者莫貴于青龍或曰
天一或曰太陰太陰所居不可背而可鄉又云太陰
所建蟄蟲首穴而處鵲巢鄉而爲戶太陰在寅寅爲
建卯爲除辰爲滿巳爲平午爲定未爲執申爲破酉
爲危戌爲成亥爲收子爲開主太歲丑爲閉此太陰
与太歲之別也古法太歲与歲星相應歲星居丑則
太歲當在子而稱攝提格歲者史公以太陰紀歲不
以太歲紀歲与淮南天文訓同也貨殖傳太陰在卯

穰明歲衰惡至午旱明歲美至酉穰明歲衰惡至子
大旱明歲美有水此亦以太陰紀歲之證

正月与斗牽牛晨出東方 淮南天文訓太陰在寅歲
名曰攝提格其雄爲歲星舍斗牽牛以十一月与之
晨出東方此云正月者史公据石氏星經較淮南書
每後兩月

以二月与婺女虛危晨出 淮南作十二月

以三月居与營室東壁晨出 淮南作正月居字衍

以四月与奎婁胃昴晨出 淮南作二月胃昴二字衍

漢志淮南書俱无胃昴字

以五月与胃昴畢晨出 淮南作三月

以六月与觜觴參晨出 淮南作四月

曰長列 漢志列作烈

以七月与東井輿鬼晨出 淮南作五月

曰大音 漢志作天晉

以八月与柳七星張晨出 淮南作六月

曰爲長王 漢志作長壬

以九月与翼軫晨出 淮南作七月

以十月与角亢晨出 淮南作八月

曰大章索隱云天文志作大星 漢志作天皇

以十一月与氐房心晨出淮南作九月

曰天泉 漢志泉作宗

以十二月与尾箕晨出淮南作十月

熒惑為勃亂 勃即悖字

歲行十二度百十二分度之五 按填星率二十八日

而行一度歲三百六十五日當行十三度餘一日四

分日之一當云二十八分度之一又小分四之一通

其率為百十二分度之五也十二度當作十三度

若水金在甫曰牝牡

水當作木

楚錄案若水之字連上金為白水會為白漢晉隋
皆作白水之會為水可證此金在甫不脫水也
三子耳漢志以下皆作木自淮南漢志

仲春春分夕出郊奎婁胃東五舍為齊仲夏夏至夕出

郊東井輿鬼柳東七舍為楚仲秋秋分夕出郊角亢

氐房東四舍為漢仲冬冬至晨出郊東方与尾箕斗

牽牛俱西為中國 按四郊字皆效字之譌淮南天

文訓辰星正四時常以二月春分効奎婁以五月夏

至効東井輿鬼以十一月冬至効斗牽牛高誘云効

見也予謂効見聲相近說文无効字當為效

月食始日五月者六六月者五五月復六六月者一而

五月者凡五百一十三月而復始索隱云依此文計

惟有一百二十一月与元數甚為懸校既无太初歷

術不可得而推定今以漢志三統歷法計則五月者

七六月者一又五月者一六月者五五月者一凡一百三十五月而復始耳或術家各異或傳寫錯謬故此不同无以明知也 按本文傳寫固有錯謬小司馬所引三統法亦誤也今攷三統四分術竝以五月二十三分之二十而一食依次推之則五月者一六月者六又五月者一六月者七又五月者一六月者七凡百三十五月而復始也校書之家罕通步算傳寫譌脫莫能是正自昔狀矣

去地可六丈大注徐廣曰大一作六 大當作六六字連下句讀六賊星名也

水澹澤竭地長見象 漢志云水澹地長澤竭見象蓋以長象爲韻与上下文同例澹古贍字水澹与澤竭意亦相對此慎倒兩字蓋傳寫之譌

城郭門閭閨臬枯橐 枯橐當作橐枯枯与閭韻也閨臬漢志作潤息于義爲長

斗秉兼之 秉卽柄字
封禪書

蚩尤在東平陸監鄉索隱云監音闕皇覽云蚩尤冢在東平郡壽張縣闕鄉城內 古文監与闕通左傳闕止史記作監止

文帝出長安門 安字衍下文云長門五帝可證也漢志亦作長門

一元曰建二元以長星曰光三元以郊得一角獸曰狩云 按元光之後尚有元朔則元狩乃四元非三元班史改以爲今无三元字蓋得之矣言建元元光而不言元朔者建以斗建爲名光以長星爲名皆取天象若元朔紀年應劭解朔爲蘇取品物繁息之義不主天瑞故不及之耳說者謂建元元光之名亦此時追命之恐未狀也武帝紀建下多元字光上狩上亦有元字此又後人妄增

與王不相中 武帝紀中字下有得字蓋後人妄增小司馬引三蒼訓中爲得可證本文无得字也

日月北斗登龍 登与升同
河渠書

禹抑鴻水索隱云抑者遏也漢書溝洫志作堙堙抑皆塞也 按堙抑遏聲皆相轉

西門豹引漳水溉鄴以富魏之河內 按漢志史起言鄴田惡漳水在其旁而西門豹不知用是不智也乃以起爲鄴令遂引漳水溉鄴民歌之史記以引漳水溉鄴爲西門豹事誤

江河之決皆天事未易以人力為彊塞塞之未必應天

此老成謀國之言當時惡蚡者謂蚡奉邑在河北

故沮塞河之役其實非公論也建元三年閩越舉兵

圍東甌東甌使人告急蚡云越人相攻擊固其常又

數反覆不足煩中國程救事見東越傳此語与汲黯相似

蚡雖進由外戚負責好權此兩事殊足稱也儒林列傳武安

侯田蚡為丞相絀黃老刑名百家之言延文學儒者數百人

拜湯子卬為漢中守當云漢中太守脫太字

其後莊熊羆言漢志作嚴熊无羆字

皓皓盱盱兮閩殫為河漢志閩作慮慮閩以音同借

用遼東無慮縣以醫無閩山得名是也此閩字亦借

為憂慮之慮裴駘解為州閩非是

延道弛兮離常流注徐廣曰延一作正按漢書亦作

正正道弛者失其正道也古文正與征通封禪書正伯僑揚雄

賦作征僑征或作延與延字形相似因譌為延爾小司馬

作延長解似曲

平準書

于是募民能輸及轉粟于邊者拜爵爵得至大庶長

按文帝用鼂錯之言令民入粟拜爵此賣爵非賣官

也爵自公士至公乘凡八等雖有爵猶不得復除與

編戶无異自五大夫至大庶長十等爵雖高初无職事非有治民之責也官有定員而爵无定員故云爵者上之所擅出於口而无窮蓋假以虛名未嘗列于仕籍錯雖言利猶不妨吏道矣孝武用兵府庫益虛乃有入羊爲郎之例其後置武功爵爵至官首者得試補吏先除雖云買爵亦得入仕蓋祖鼂錯之意而失之者也

彭吳賈滅朝鮮置滄海之郡 案漢書武帝紀元朔元

年東夷葦君南閩等口二十八萬人降爲蒼海郡三年春罷蒼海郡至元封三年滅朝鮮相距二十年不

得并爲一事且滅朝鮮者爲荀彘楊僕亦无彭吳賈其人也漢書食貨志但云彭吳穿穢貊朝鮮置滄海郡較之史記爲確予又疑滅當爲滅字之譌滅與葦穢同賈讀爲商賈之賈謂彭吳與滅朝鮮貿易因得通道置郡也小司馬謂彭吳始開其道而滅之非是河決觀注徐廣曰觀縣名也 是時河決瓠子東注鉅野不及觀也漢書觀作灌屬下句當從之

而姦或盜摩錢裏取鎔注徐廣曰音容呂靜曰冶器法謂之鎔 按徐說非也鎔當作鎔說文鎔銅屑也讀若浴漢志姦或盜摩錢質而取鎔臣瓚以爲摩錢漫

面已取其肩更以鑄錢西京黃圖敘云民摩錢取肩是也

民多買復及五大夫徵發之士益鮮 鼂錯言爵至五大夫以上迺復卒一人武帝置武功爵千夫如五大夫故五大夫與千夫皆不在徵召之限

不欲者出馬 吏多坐法廢免買爵者多不願除吏故又使出馬

異時算輶車賈人緡錢皆有差 異時謂漢初也上文言高祖初平天下令賈人不得乘車重租稅以困辱之蓋謂此

築令居索隱云令音零姚氏音連 連令聲相近

初置張掖酒泉郡注徐廣曰元鼎六年 按漢書武帝紀元鼎六年分武威酒泉地置張掖敦煌郡而酒泉置郡乃在元狩二年徐氏誤

史記四

廿二史攷異四

錢大昕學

吳太伯世家

楚共王伐吳至衡山注杜預曰吳興烏程縣南也 按
烏程吳之南境楚兵不能深入至此今當塗縣北有
橫山卽春秋之衡山也

美哉颯颯乎索隱云颯音馮又音泛 說文无颯字蓋

卽汎之異文

將舍于宿注左傳曰將宿于戚索隱云太史公以舍字
替宿遂以宿字替戚戚是邑名今宜讀宿爲戚 按

衛世家封孫文子林父于宿宿卽戚也古音戚如蹙
蹙與縮通少牢禮縮執俎注古文縮爲蹙是也宿本
有蹙音小司馬讀爲戚是未達于古音

懼猶不足而又可以畔乎索隱云春秋左氏傳曰而又
何樂此畔字宜讀曰樂 予謂畔讀如心廣體胖之
胖胖與般同皆有樂義

齊太公世家

文王伐崇密須大夷 大夷卽昆夷

子丁公呂伋立 文丁作玨

遂獵沛邱 左傳沛作貝沛亦有貝音楚世家朝射東

莒夕發泃邱卽此貝邱也

與丙戎之父獵 左氏作邴歆戎蜀聲相近

使庸職驂乘索隱云左氏作閭職此言庸職庸非姓蓋

謂受雇職之妻史意不同字亦異耳 按庸閭聲相

近書毋若火始炎炎漢書作庸庸小司馬不識古音

妄以庸爲受雇甚可笑也

弗星將出 弗卽亨字

八月齊秉意茲 此下有脫文

闕止有寵焉索隱云左氏監作闕 田齊世家作監止

此史公本文也此篇作闕乃後人妄改

魯周公世家

戴璧秉圭戴卽載字尚書戴爲植鄭康成云植古置

字載置聲相近

異母同穎索隱云尚書母作畝此爲母義亦竝通 古

文畝爲晦母卽晦之省

作魏禾 書序魏爲歸歸有魏音論語詠而歸歸孔子

豚齊人歸女樂皆讀如魏

王亦未敢訓周公索隱云尚書作謂此作訓字誤耳

予謂謂从肖古書或省从小轉寫譌爲川爾

躬躬如畏狀注徐廣曰躬躬謹敬兒音窮窮一本作夔

夔 夔窮聲相近

治民震懼 尚書震爲祗震祗聲相近

乃有亮闇 尚書有爲或或有聲相近鄭康成云或之

言有也論語注

敬復之注徐廣曰一作振 尚書敬爲祗祗振聲相近

煬公築茅闕門六年卒 漢書律歷志煬公卽位六十

年此脫十字

子屯立是爲康公索隱云屯音竹倫反 漢志屯作毛

字形相涉而譌

子賈立是爲文公索隱云系本作湣公 漢志作緡公

春秋時已有文公潛又與閔同疑漢志是也

燕召公世家

子今王喜立 今王蓋當時人所稱猶紀年稱魏襄王

為今王也史公雜采戰國書未及刊正

管蔡世家

次日冉季載 左傳作聃季亦音乃甘切

而舉胡以為魯卿士 小司馬據尚書蔡仲无仕魯之

文又謂伯禽居魯乃杜七年致政之後疑史公无所

據予謂周公封魯杜武王未没以前公既留相王室

必遣人往治之則當伯禽未之魯而使蔡仲以卿士

治其國何渠不可乎書云周公以為卿士既非王朝

之卿即是仕魯之證矣

衛使史鮪言康叔之功德 據左氏傳乃祝鮀非史鮪

也兩人同字子魚因而傳譌

乃令賊利殺昭侯 按左氏傳弒昭侯者公孫翩也

子莊公夕姑立索隱云夕音亦即射姑也 予謂夕者

夜也功臣侯表趙將夜漢書作將夕夜又與射通春

秋狐射姑出奔狄公羊作夜姑

陳杞世家

空籍五歲矣 按籍字索隱有二解當以借義為長字

宐从艸不从竹

題公生謀娶公注徐廣曰謀一作謨索隱云娶子與反
謀謨聲相近說文有娶无媿媿娶木一字故讀娶
爲子與切

衛康叔世家

衛君黔牟立八年 按年表黔牟立十年乃出犇

惠公立三年出亾亾八年復入与前通年凡十一年矣

按年表惠公復入與前爲十四年此誤

衛石曼專逐其君起索隱云左傳作石圃此專音圃穀
梁作曼姑專或音姑諸本多无曼字 按專當作專

專与圃音相近石曼姑圍戚杜魯哀公三年與此石
專必非一人諸本无曼字者是也左氏公羊經文皆
作曼姑索隱專指穀梁亦未狀

宋微子世家

滅阬阬國懼禍至 下阬字衍阬或作阬周本紀作者
今殷其典喪注典國典也索隱云尚書典作淪篆字變
易其義亦殊 予謂典讀如殄典喪者殄喪也攷工
記駟欲頌典鄭司農讀典爲殄燕禮寡君有不腆之
酒注古文腆爲殄是典腆與殄通

我其發出往往注鄭元曰我其起作出往 詩昊天曰明

及爾出王毛氏傳王往也

天篤下菑亾殷國 尚書篤為毒大宛傳其東南有身

毒國即天竺也竺古篤字小司馬亦讀毒為篤

常倫所斲注徐廣曰一作釋 釋當作燁說文引書彝

倫攸燁燁敗也

曰涕曰霧注徐廣曰一作曰洩曰被 夷有弟音故黃

讀如稊涕亦或為洩也霧說文作霰被乃殺字之譌

尚書涕為驛霧為蒙又蒙杜驛上與此文異

卜五占之用二衍賁 鄭氏以下五占之用為句二衍

賁為句上句言卜下句言筮

三十年惠公卒子哀公立 按年表三十一年惠公薨

次年即為戴公元年少哀公一世

乃公子子魚教潛公也 據左氏傳乃公子御說之詞

昭公弟鮑革注徐廣曰一无革字 按左氏无革字下

文亦有單稱公子鮑者則革為衍文明矣周禮攻皮

之工有鮑氏鮑或作鞞从革此字蓋讀如鞞革之鞞

後人溷入正文

晉世家

使宦者履鞞 前云勃鞞後云履鞞史駁文或曰本讀

鞞為履鞞字後人溷入正文轉去勃存履耳

狄伐咎如索隱云咎音高鄒誕本作困如 困咎聲相近

犁二十五年 犁遲也猶言待也

且言何以易之索隱云言人之出言不可輕易之也

謂其言不可移易小司馬讀易為去聲非也

餓人亦昧明也索隱云即左傳之提彌明 按古文神

祗字作示說文祗地祗提出萬物者也是示與提義

相通矣鄭大夫高渠彌史記亦作昧

魏文子請老辟郤克 當作范武子

其侍者豎陽穀 左氏作穀陽豎

東至膠南至沂 左氏膠為濰

楚世家

三曰彭祖注虞翻曰名翦 大戴禮帝系篇作錢

季連生附沮附沮生穴熊 帝系篇季連產什祖氏什

祖氏產內熊

賓之南海 賓讀曰擯

王怒射殺子反 據左氏共王賜子反死非親射殺也

謂初王比曰 比无諡故以初王目之

棄疾使船人從江上走呼 左傳云周走而呼古文周

而之周作舟或省為舟故史公譌為船人之說非其

蘇方之族以非必
二五註與蘇音義俱
迥別

實也詩舟人之子鄭康成云舟當作周攷工記作舟

以行水注故書舟作周周舟二文恒相亂也

卒自娶秦女生熊珍春秋珍作軫伍子胥傳亦作軫

蜀伐楚取茲方正義云古今地名云荊州松滋縣古鳩

茲地卽茲方是也按左氏傳楚子重伐吳克鳩茲

杜預云鳩茲杜丹陽蕪湖縣東今皋夷也鳩皋聲相近茲夷音

相與茲方非一地

鄒費邾邳者羅鷲也孟子書有鄒穆公費惠公此文

云泗上十二諸侯則戰國之世小諸侯存者尚多也

秦王趙政立秦王政之立五國世家皆書而韓世家

獨闕此篇稱趙政又与他世家異

虜楚王負芻滅楚名爲楚郡云注孫檢曰秦虜楚王負

芻滅去楚名以楚地爲秦郡按秦始皇父名楚故

始皇本紀稱楚爲荆滅楚之後未嘗置楚郡也孫氏

謂滅去楚名蓋得其實楚郡之楚當是衍文或者謂

三十六郡之外有楚郡者妄也

越王句踐世家

後二十餘世至于允常按少康至桀十一傳殷湯至

紂三十傳周自武王至敬王又二十五傳而越之世

乃止二十餘理所必无也正義引輿地志云越侯傳

楚俗案注之秦郡秦
字亦誤震澤王氏本作
三郡是也三郡者躬身
之通鑑注以爲九江會
稽郡汝漢志不郡是
秦郡其說非是王氏鳴
盛梁氏玉繩皆以爲南
郡九江會稽汝漢郡已
置於明梁王三九年何特
此時蓋當爲九江會稽
長沙也是時楚都壽春
尚據有淮南東至安南至
長沙之地故分以爲三郡至
正文楚郡亦當作三郡
按秦論六國不以其國名
郡者兼特楚字諱避也
如通鑑曰卽郡爲春此以通
本曰卽郡卽秦因之故曰
爲秦言蓋爲秦之郡也魏
液曰以爲郡縣言楚置郡
縣也韓液曰盡入其地爲
潁川郡言始置潁川郡也
作潁齊仍以國名郡故言
楚置齊爲郡言卽以齊
爲郡不復言名爲齊郡
也此云滅楚名爲三郡言

楚三校名別置三郡也孫
據注語印本正文後人
不解三字疑為秦字之
爛脫因注為秦字以史
津無秦郡之名遂釋校
正文為楚郡矣

國三十餘葉歷殷至周敬王較為近之

敗之夫椒索隱云椒本又作湫 湫椒聲相近伍子胥

傳作夫湫楚大夫椒舉漢書作湫舉

越以服為臣 以與已同

與大夫柘稽索隱云國語作諸稽郢 諸柘聲相近

齊與吳疥癧也索隱云疥癧音介𡗗 徙鮮聲相近故

癧為癰之異文

正義云黃帝之元執辰破已霸王之氣見于地戶 按

術家以亥為天門已為地戶建在亥則破在已執在

辰矣已為楚分而吳越在中國之東南正當已位故

云地戶之位非吳則越春秋時能病楚者吳能病吳
者越以其當地戶也

鄭世家

友初封于鄭索隱云系本云桓公居械林徙拾 鄭氏

詩譜宣王封母弟友于宗周畿內成林之地今京兆

鄭縣是其地也械林成林疑是一地

祝瞻射王中臂索隱云左氏作祝聃 瞻當作瞻說文

瞻番耳也與聃音義相近左氏云中肩此云中臂傳

聞異辭

殺其大夫單伯索隱云依左傳作檀伯此文誤為單伯

者因魯莊公十四年厲公自櫟侵鄭事與單伯會齊師伐宋相連故知誤耳 子謂單亶古文通用歷書單闕一作亶安淮南泰族訓密子治亶父卽單父也詩下民卒瘁沈重本作瘞則檀單亦自可通非因左傳而誤

鄆公惡鄭于楚 說文鄆太嶽之後甫侯所封讀若許聲公五年鄭相子產卒子產者鄭成公少子也 按子產者子國之子穆公之孫而世家以爲成公子一誤也子產卒于定公時而世家云聲公五年二誤也至循吏傳稱鄭昭君之時太宮子期言之君以子產爲

相則尤无稽之談也

趙世家

吾有所見子晰也索隱云吾前夢所見者知其名曰子晰也 詳文義謂吾有所見子甚晰蓋記憶前夢之詞非其人名子晰也

襄子立四年知伯与韓趙魏盡分其范中行故地晉出公怒告齊魯欲以伐四卿四卿恐遂共攻出公出公奔齊道成知伯乃立昭公會孫驕是爲晉懿公 按六國表襄子四年與知伯分范中行地是歲爲晉哀公忌之三年出公盡十八年别无出奔之文及攷晉

世家則云出公十七年知伯與韓趙魏共分范中行地以爲邑出公怒告齊魯欲以伐四卿四卿恐遂反攻出公出公奔齊道死故知伯乃立昭公會孫驕爲晉君是爲哀公哀公大父雍晉昭公少子也生忌忌善知伯早死乃立忌子驕爲君以趙世家證之出公十七年簡子卒而襄子代立則與知伯分地之事不當杜襄子四年矣凡諸侯稱出者失國之詞出公怒四卿之分地而見逐于四卿則分地必在出公之末年或者分地杜十七年而奔齊道死則杜明年故表得有十八年耳繼出公而立者據晉世家爲哀公驕

據趙世家爲懿公驕據表爲哀公忌世家以忌爲驕之父表則有忌无驕而正義引表云出公錯十八年哀公忌二年懿公驕十七年今檢表自哀公元年距幽公桺元年凡十有九歲疑今本脫去晉懿公驕元年六字狀与世家總不合

成侯十六年与韓魏分晉封晉君以端氏 按三家分晉杜敬侯十一年晉之滅已十有八年矣或其君猶存故封以一城使臣于趙也

武靈王二十五年惠后卒 此惠后卽吳娃也惠后未死之前子何已立爲太子矣後文云吳娃死卽追敘

此事非歿于傳位之後也孝成二年惠文后卒此是
惠文王之后長安君之母戰國策所謂趙太后也索
隱以此惠后爲前太子章之母以惠文后爲吳娃翻
疑史記娃歿之誤可謂弗思甚也

反高平根柔于魏正義云根柔未詳 根柔戰國策作
溫枳皆河內地名

反涇分先俞于趙注徐廣曰一作王公 王公疑三公
之譌常山郡元氏縣有三公山

左師觸龍言願見太后 戰國策作觸龍言爲一
字

老婦恃輦而行 東廣微言太后纔三十有奇者以惠
文王吳娃之子嗣位時尚幼約杜十歲以內享國三
十三年而卒其后之年不過杜四十內外也古者夫
歿稱未亾人太后自稱老婦不必計年之多寡索隱
以吳娃當之不知娃之前歿史有明文也

孝成王十五年以尉文封相國廉頗爲信平君索隱云
尉文蓋地名或曰尉文官名謂以尉文所食之地封
廉頗也 按漢書王子侯表趙敬肅王子有尉文節
侯丙是尉文爲趙地審矣或說非也正義云尉文蓋
蔚州地

魏世家

魏絳卒諡為昭子注徐廣曰世本日莊子索隱云系本

錯也系本即世本
避唐文皇諱

按左氏傳亦作莊子則世本不

誤昭莊聲相近

武堵為秦所敗 年表作武都據表則武都二字當屬

上句城武都是一事為秦所敗又一事

田敬仲完世家

殺高昭子晏孺子奔魯 晏孺子乃晏圉之誤也使孺

子果奔魯安得遷之駘而殺之當從齊世家為是

伐衛取母邱索隱云母音貫古國名今作母者字殘闕

爾 子謂母古貫字与母音義俱別史記多古字故

以母為貫非字之缺也

田臣思曰索隱云戰國策作田期思蓋即田忌也 臣

當作臣音怡与期音相近

孔子世家

孔子生魯昌平鄉陬邑 說文耶魯下邑孔子之鄉从

邑不从自左氏傳亦作耶杜預云耶邑魯縣東南莖

城是也

耶人輓父母 檀弓輓作曼曼輓聲相近

趨詳之節 詳与翔同

乃因史記作春秋據魯親周故殷運之三代正義云殷中也又中運夏殷周之事也按正義訓殷爲中非也春秋宣十六年成周宣榭火公羊傳外災不書此何以書新周也何休云孔子以春秋當新王上黜杞下新周而故宋繫宣榭於成周使若國文黜而新之從爲王者後記災也又莊二十七年杞伯來朝何休云杞夏后不稱公者春秋黜杞新周而故宋以春秋當新王也漢儒說春秋者謂孔子制春秋之義以俟後聖王者存二代之後周監于夏殷繼周者當黜杞而存周以備三統故云據魯親周故殷運之三代據魯謂以春秋當新王也親周故殷謂新周故宋也當以殷字絕句

子襄嘗爲孝惠皇帝博士遷爲長沙太守漢書孔光傳作長沙太傅惠帝時長沙爲王國不得有太守漢書云太傅是也

子襄生忠按上云鮒弟子襄此云子襄生忠是子襄爲鮒弟矣漢書孔光傳鮒弟子襄襄生忠則襄爲鮒弟之子矣孔光爲孔子十四世孫鮒襄各爲一世乃合十四之數此文蓋衍一子字

陳涉世家

陽城人也索隱云韋昭云陽城屬潁川地理志屬汝南
不同者按郡縣之名隨代分割陽城舊屬汝南史遷
云今爲汝陰句疑有譌後又分隸潁川韋昭據以爲說故
其不同他皆放此按漢書地理志潁川汝南皆有
陽城縣而汝南之陽城則爲侯國宗室劉德所封傳
三世至王莽敗而國除故後漢志有潁川之陽城无
汝南之陽城非本隸汝南而後分隸潁川也小司馬
讀史不子細如此何怪後人

外戚世家

武帝初卽位史公書稱孝武曰今天子曰天
子无稱諡者而此篇及賈生李將軍萬石君主父偃
衛將軍驃騎汲鄭酷吏列傳皆有武帝卽位之文此
後人追改酷吏傳敘寧成周陽由皆稱武帝其下敘
趙禹則云今上時蓋追改又有不盡耳

楚元王世家

嫂詳爲羹盡櫟釜索隱云漢書作輶音勞櫟輶聲相
近

削東海郡

漢初諸侯王國大率兼數郡之地郡之屬
王國者郡名似元未嘗廢齊悼惠王獻城陽郡以爲
魯元公主湯沐邑呂后割齊之濟南郡封呂台琅邪

郡封劉澤吳王濞封有四郡五十餘城景帝時削吳之豫章郡會稽郡削楚之東海郡趙之河間郡皆郡之屬於國者也趙相周昌奏常山二十五城亾其二十城請誅守尉則諸侯王國之郡亦有守也

齊悼惠王世家

獻城陽郡正義云括地志濮州雷澤縣本漢城陽縣後

為郡也 此城陽國非雷澤之成陽辨見景帝紀

孝文帝盡封齊悼惠王子罷軍等七人皆為列侯 漢書高五

王傳 按漢書王子侯表管共侯罷軍氏邱共侯甯

國營平侯信都楊邱共侯安楊虛侯將閭勃侯辟光

安都侯志平昌侯卬武成侯賢白石侯雄渠皆悼惠王子以文帝四年五月甲寅同日封此云七人蓋十人之譌

以白石侯索隱云縣名屬金城正義云白石古城在德州安德縣北二十里 按金城郡昭帝所置此白石當是齊地非金城之白石也正義近之

曹相國世家

平陽侯曹參者 按蕭何曹參皆以相國終故目錄皆

云相國與陳丞相平張丞相蒼一例也而篇首一云

蕭相國何一云平陽侯曹參參不稱相國而稱侯又

與絳侯周勃同狀勃雖丞相以列侯終不可以例參也平津侯亦以丞相終而目錄不稱丞相與蕭曹諸人異矣其篇首則云丞相公孫宏若以蕭相國書法例之當云公孫丞相宏不當繫姓于官之下此皆史公義例之疏也

柱天侯反于衍氏 小司馬本作天柱侯故引廬江潛

縣之天柱以實之

案海本作天柱不誤

周勃世家

轉擊項籍攻曲逆最 漢書作曲逆字誤

梁孝王世家

梁餘尚有十城 漢書云削梁王五縣梁餘尚有八城

此云削梁八城餘尚有十城未詳誰是或据漢志梁國統八縣以為當從漢書予以為未狀蓋志所述者平帝元始之郡縣而梁平王削地乃在武帝元朔中相去百廿餘年即以漢書本傳攷之則王立嗣位之後削地千戶及五百戶者數矣又削五縣而餘尚有八縣益知餘八城之說未可信也

地入于漢為郡 按漢志无濟川郡亦不言濟川國所

杜予嘗讀水經注引應劭說濟川今陳畱濟陽縣是也乃知陳畱郡即濟川故地志稱陳畱郡武帝元狩

元年置不言故屬梁國者史之闕也濟川國除杜武帝建元三年其時當爲濟川郡至元狩初移治陳畱乃改爲陳畱郡爾

呂后時已有濟川國乃齊之濟南郡非梁地說見呂后紀

三王世家

御史臣光守尚書令索隱云奏狀有尚書令官位而史闕其名耳 按索隱說非也光以御史守尚書令非別有一尚書令而失其名也下文云太子少傅臣安行宗正事云太僕臣賀行御史大夫事皆与此一例續蕭文終之後于鄼索隱云蕭何初封沛之鄼音贊後其子續封南陽之鄼音嗟也 按說文鄼沛國縣从

邑盧聲与南陽之鄼形聲俱別漢志俱作鄼字而南

陽之鄼孟康音讚沛之鄼應劭音嗟當作嗟或古音嗟如嗟師

古云此縣本爲鄼中古以來借鄼字爲之讀皆爲鄼

而莽呼爲贊治則此縣亦有贊音予謂沛郡之鄼亦

有贊音乃由後來借贊爲鄼之故非本音也班孟堅

十八侯銘云文昌四友漢有蕭何序功弟一受封爲

鄼是蕭何初封在沛之鄼當讀才何切明矣小司馬

謂何初封沛後嗣收封南陽最爲有據特贊嗟二音

正相違反今永城縣東有鄼陽集土人讀如嗟卽何

所封也

一子爲朝陽侯正義云括地志朝陽故城杜鄧州穰縣南八十里按漢書王子侯表朝陽荒侯聖下注濟南字而地理志濟南郡朝陽縣本是侯國則此朝陽非南陽之朝陽也濟南之朝陽後漢稱東朝陽

史記四終

史記五

廿二史攷異五

錢大昕學

伯夷列傳

太史公曰余登箕山索隱云蓋楊惲東方朔見其文稱余而加太史公曰也子長書每篇稱太史公皆自稱其官非他人所加亦非尊其父也賈生馮唐傳文亦有稱余而不加太史公者

暴戾恣睢索隱云鄒誕生睢音千餘反劉氏音休季反按睢睢二字形聲皆別從劉音字當从目從鄒音字當从且小司馬兼存二音而不辯正何也李斯傳

有天下而不恣睢索隱止有呼季反一音

衆庶馮生索隱云鄒誕生作每生每者冒也冒卽貪之義 每冒聲相近貪生之義較馮爲長

老莊申韓列傳 自序稱老子韓非列傳不及莊申二子

周守藏室之史也索隱云張蒼傳老子爲柱下史 按

蒼傳但云秦時爲御史主柱下方書未嘗及老子一本作張湯傳尤誤

注服具勝實 具勝疑卽巨勝也

亢桑子之屬 亢桑卽庚桑也亢音剛与庚聲相近

又非吾敢橫失能盡之難也 失古軼字

則以爲鬻權索隱云韓子粥權作賣重 賣當作賣說

文賣街也讀若育从貝从衤與賣字从出从買者不同賣鬻音義一也

汎濫博文則多而久之 韓子作米鹽博辨天官書凌

雜米鹽正義云米鹽細碎也

胡兄弟之國也 鄭姬姓胡歸姓本婚姻之國而云兄

弟者禮經舅弟與兄弟有別已之舅弟與從父舅弟

從祖舅弟族舅弟皆同姓之親也若兄弟則兼異姓

言之喪服傳小功以下爲兄弟而姑之子舅之子亦

稱外內兄弟曾子問篇昏禮既納幣有吉日而壻之
父母歿已葬壻之伯父致命女氏曰某之子有父母
之喪不得嗣爲兄弟正義云壻於妻之父母有總服
故得謂之爲兄弟也

鄭人襲胡取之 按春秋昭公時歸姓之胡國尚存或
滅而復立或自有兩胡國也

夫龍之爲蟲也 大戴禮易本命篇有鱗之蟲三百六
十而蛟龍爲之長

皆原于道德之意而老子淡遠矣 按申韓之學皆自
謂本於老子而實失老氏之旨史公自序述其父說

道德與名法各爲一家而於此贊又明辨之言其似
同而實異也說者譏韓非不當與老子同傳蓋未論

史公微旨

孫子吳起列傳

後十五年 五當作三

伍子胥列傳

費無忌爲少傅索隱云左氏作費無極 忌極聲相近
遂滅鄒魯之君以歸 魯當作虜音之譌也左氏傳邾
子又無道吳子使太宰子餘討之囚諸樓臺鄒卽邾
也當云虜其君轉寫或誤尔一本滅作威

縣吳東門之上正義云東門鱗門謂解門也今名葑門
葑解聲相近古音有重唇無輕唇故讀解如鱗
仲尼弟子列傳

靈公太子蕢聵 衛世家作蒯聵說文頁部類字云頭

蔽類也蔽正字蒯俗字蕢通用字

乃下石乞壺廩 左氏壺作孟孟壺聲相近

爲武城宰正義云括地志云在兗州卽南城也輿地志

云南武城縣魯武城邑

今刊本爲作武邑城

子游爲宰者也

按武城卽曾子所居之南武城索隱云當時魯更
有北武城故言南也亦謂之南城續漢書郡國志南城

縣有東陽城春秋哀八年傳吳師伐武城克之又云

吳師克東陽而進東陽在南城則南城卽武城矣

子夏居西河教授正義云竭泉山一名隱泉山在汾州

堰城縣北四十里 按汾州無堰城縣蓋隰城之譌

隋書地理志隰城縣有隱泉山此竭泉當作謁泉謁

隱聲相近也

正義云九二甲寅木爲世立五景行水爲應 立當作

六景行當作景子

景卽丙字

此注譌舛難讀今以意推行

之外卦艮土內卦乾金外象生內象也子水爲世寅
木爲應應生世也內乾爲父外艮爲子純陽之卦內

象本艮一陽變乾三陽外象艮一陽凡五陽爻故主五丈夫子內艮一陽不見故一子短命

商君列傳

注周室歸藉索隱云藉音胙字合作胙誤爲藉耳予謂藉胙聲相近

蘇秦列傳

秦兵不敢闕函谷關十五年 說者以此語爲從人夸誕之詞狀張儀說楚王云秦所以不出兵函谷十五年以攻齊趙者陰謀有吞天下之心其說趙王亦云大王收率天下以賓秦秦兵不敢出函谷關十五年

則當時果有其事矣蘇秦從約之成在趙肅侯十八年又十五歲則趙武靈王之九年也是歲張儀始以連衡說魏此十五歲之中秦惟出兵攻魏閒一擊韓不聞及他國迨五國擊秦之師不勝在趙武靈王八年而後張儀得以說破之則合從不爲無功矣謂蘇秦去趙而從約皆解亦未盡狀

夫齊者固寡人之溪讐 按燕王噲之時齊與燕未有

溪讐也蘇代此說必在昭王時故稱齊潛王爲長主

且有南面舉宋之語潛王卽位三十八年而滅宋其年必已長矣故有長主之稱

若移此段問答于昭王名蘇代復善遇之之下則詞

有倫次矣

我下軹道南陽 道非地名蓋謂下軹之後取道南陽耳徐廣以霸陵之軹道當之固誤小司馬謂道爲衍字亦非也

張儀列傳

卒起兵伐蜀十月取之 按秦本紀及年表伐蜀乃惠

王後九年事此傳敘于惠王十年以前則誤以爲前九年矣

樗里子甘茂列傳

秦惠王二十五年 按年表在惠王後十二年此云二

十五者并前十三年數之

助魏章攻楚 魏章卽秦本紀之庶長章也

白起王翦列傳

後七年白起攻楚拔鄢鄧五城 按年表在昭王二十

八年其拔趙光狼城卽在前一年此云後七年與表異

趙孝成王與平陽君平原君計之索隱云平陽君未詳

何人 平陽君趙豹也見趙世家

孟子荀卿列傳

退而與萬章之徒索隱云孟子有萬章公明高等蓋竝

軻之門人也 按公明高非孟氏弟子廣韻以離婁
爲孟子門人其誤亦類此

始也濫耳索隱云濫卽濫觴是江原之初始故此文義
以濫爲初也 按小司馬說非也詳上下文義似謂
衍之說始雖泛濫而要歸于仁義節儉耳司馬相如
傳贊云相如雖多虛濫說然其要歸引之節儉語意

正相類

懼然顧化 懼卽瞿字

平原君虞卿列傳

公等錄錄索隱云說文云錄錄隨從之貌也 按說文

本作錄云隨從也故王郤以錄爲借字

與魏齊閒行卒去趙困於梁 王懋竝曰范雎以秦昭

王之四十一年爲相魏齊卽以是年奔趙匿平原君
所四十二年誘執平原君魏齊與虞卿亡走魏後五
年秦破趙長平則昭王之四十七年而周赧王之五
十五年也睢傳所敘甚詳及攷虞卿傳卿爲趙計事
皆在長平後與睢傳不合故古史攷疑魏齊歿後虞
卿復歸相趙狀如所云則史窮愁著書之言亦無當
矣通鑑敘誘執平原君事于赧王之五十六年則與
卿傳合狀秦以五十六年正月罷兵其歲九月又攻

邯鄲此數月之中秦未必能誘致平原君而平原君亦未必敢往與古史所云未知孰是

春申君列傳

黃濟陽嬰城正義云嬰城未詳 按下文又云許鄆陵嬰城皆謂嬰城自守不敢戰也正義誤以爲地名故云未詳黃卽陳畱之外黃

沒利於前 沒與昧同趙世家昧歿以聞戰國策作沒
歿

范雎蔡澤列傳 按秦本紀六國表不見二人名

至今閉關十五年不敢闕兵於山東者 范雎說秦在

昭王卅六年是時秦用白起破趙魏及楚者屢矣而穰侯方出兵攻綱壽安有閉關十五年之事

昭王乃遣趙王書曰王之弟在秦 是歲昭王四十二年卽趙孝成王之元年也平原君爲惠文王之弟於孝成爲叔父惠文已歿不當更稱弟

號爲綱成君 水經注濕水篇云于延水又東逕岡城南按史記蔡澤燕人也謝病歸相秦号綱成君疑卽澤所邑也世名武岡城

廉頗藺相如列傳

趙惠文王十六年廉頗爲趙將伐齊大破之取晉陽

按六國表惠文十五年取齊昔陽卽樂毅破齊之歲也此傳與世家皆作十六年疑誤表與世家皆作昔陽而此作晉陽索隱又作陽晉

秦破趙殺將扈輒于武遂城 趙世家作武城武遂在燕趙之交秦兵未得至其地恐因上有武遂方城之文誤衍遂字耳

田單列傳

得之太史媿之家 世家媿作敷

號曰安平君 史不敘其後事攷趙世家孝成王元年齊安平君田單將趙師而攻燕中陽拔之二年田單

爲相卽齊王建之元年也豈襄王旣沒單遂去齊而入趙乎

魯仲連鄒陽列傳

今齊潛王已益弱 此時距齊潛王之歿已二十餘年矣文云今齊潛王似其人尚存

齊潛王將之魯 據世家則之魯之鄒兩事俱在失國之後

齊田單攻聊城歲餘注徐廣曰案年表田單攻聊城在長平後十餘年也 按六國表無田單攻聊城事惟燕武成王七年書田單拔中陽乃在長平前五年又

非聊城或疑徐廣之誤今細繹徐氏文義特以仲連遺書有栗腹事推檢時代當在長平後十餘年以正史公云二十餘年之誤非謂年表有田單事也仲連遺書之燕將必非與樂毅同時蓋其事在燕王喜之世別有以偏師下齊城懼讒不敢歸者不用仲連之言以至身歿城屠史公所書較之戰國策爲得其實矣吳師道謂田單相趙之後必不復返齊亦恐未然孟嘗君相秦而歸復爲齊相此其證也

屈原賈生列傳

爲楚懷王左徒 黃歇由左徒爲令尹則左徒亦楚之

貴臣矣

不獲世之滋垢 滋與茲同說文茲黑也春秋傳何故使我水茲

大破楚師于丹淅 淅當作浙楚世家作丹陽

殺其將唐昧正義云昧莫葛反 呂氏春秋作唐蔑

古今人表同 古文昧蔑通

章畫職墨兮索隱云楚詞職作志 職與識通周官職

方氏漢華嶽碑作識方是也志卽識之古文

見周禮注

伯樂旣歿兮驥將焉程兮 程讀如秩與匹爲韻書平

秩東作史記作便程

方正倒植 植與置同論語植其杖而芸漢石經作置
臆九州而相君兮索隱云漢書作歷九州 臆當讀如
离离歷聲相近

單闕之歲兮注徐廣曰文帝六年歲在丁卯 按漢書
律歷志高帝元年歲名敦牂太初元年歲名困敦以
是推之單闕之歲當是文帝七年徐氏不知古有超
辰之法故云六年也

化變而嬗 文選嬗作蠶蓋从韋昭本訓而爲如蠶爲
蟬也

大專槃物兮索隱云漢書曰大鈞播物此專讀曰鈞槃
猶轉也 專與鈞聲相轉舌齒異音而均爲出聲此
假借之例也槃讀爲般補完切般播聲相近

擱如囚拘索隱云說文云擱大木柵也 按說文無擱
一字索隱殆誤也漢書作儻而蘇林音欺全反却與罔
音相近

好惡積意注李奇曰所好所惡積之萬億也 意當作
意說文意滿也一曰十萬曰意

細故慙薊兮 薊不成字當作薊薊芥聲相近故漢書
作芥

呂不韋列傳

子楚夫人趙豪家女也 蓋不韋資助之遂為邯鄲豪家

刺客列傳

曹沫者魯人也索隱云沫音亡葛反左氏穀梁竝作曹

劇狀則沫宜音劇

按說文沫从未讀莫葛切

與亡葛同

沫从未讀荒內切本是兩字小司馬溷而為一非也

劇字宜讀如鸞聲噦噦之噦

呼惠切

乃與沫音相近

與韓相俠累有郤索隱云俠音古挾反 俠累合為傀

音

將用為夫人麤糲之費 正義本作大人注中夫人字

皆大人之譌下文家丈人名使前索隱引韋昭說古

者尊父嫗為丈人又引漢書宣元六王傳古詩丈人

故言遲證之則小司馬所見漢書與今本異也

李斯列傳

衛君殺其父而衛國載其德孔子著之不為不孝 春

秋衛石曼姑帥師圍戚公羊以為伯討孟子書稱衛

君輒為孝公故趙高為此言狀蒯聵未嘗必于輒輒

亦無德可載也

司城子罕相宋身行刑罰以威行之暮年遂劫其君

韓子二柄篇云子罕謂宋君曰夫慶賞賜予者民之

案今人蘇縣蘇時學
交山年詠云韓非子子
氏奪子氏於宋又曰司城
子罕取宋韓非每論數
氏心與齊之曰氏既言而呂
氏春秋於宋德之云曰此
戴氏所以絕也宋子氏
而言戴氏行春秋紀年云
宋易城肝廢其君壁
不自立壁者宋桓侯也
易城肝於即司城子罕
德謂蘇說甚精易城國
案作別成蓋因司馬國

所喜也君自行之殺戮刑罰者民之所惡也臣請行

之于是宋君失刑而子罕用之故宋君見劫又人主

篇云宋君失其爪牙于子罕簡公失其爪牙于田常

高誘注呂覽亦云子罕殺宋昭公攷宋世家不載子

罕事據左氏傳司城子罕乃宋之良臣仕平公朝初

未劫君也但樂氏世為司城或子罕之後夏有專政

劫君者事在春秋以後故戰國漢初人多言之鄒陽

傳宋聽子罕之計而囚墨翟漢書作子冉亦此子罕也

與宦者韓談 太史公父名談如李談趙談之屬皆改

稱同同談亦取聲相近此韓談獨不改何也滑稽傳云談言

微中司馬相如傳因斯以談皆不避談字

蒙恬列傳

秦穆公殺三良而宐罪百里奚而非其罪也故立號曰

繆 據此則秦繆公之諡當讀如謬所謂名与實爽

曰繆也蒙恬秦人其言必有所自

張耳陳餘列傳

范陽人蒯通 此范陽注家不詳所杜師古以涿郡之

范陽實之因謂通本燕人後游于齊此不攷地理而

妄為之說也方武臣等自白馬渡河纔下十城安能

遠涉燕地且范陽既降之後趙地不戰而下者三十

餘城狀後乃至邯鄲武臣乃自立爲趙王狀後命韓
廣畧燕地豈容未得邯鄲之前已抵涿郡乎狀則蒯
生所居之范陽當屬何地曰淮陰侯傳稱齊人蒯通
又稱爲齊辨士則范陽必齊地矣漢志東郡有范縣
此卽齊之西境孟子自范之齊謂此地也趙世家云
嬴姓將大敗周人于范魁之西小司馬謂范魁趙地
狀則此范陽蓋在齊趙之界本齊地而亦可屬趙也
淮陰侯列傳

走入城皋

城當作成下同

信遂追北至城陽正義云城陽雷澤縣是在濮州東南

九十一里

此城陽是齊地非濮州之成陽

鍾離昧家在伊盧注徐廣曰東海朐縣有伊盧鄉按

續漢書郡國志作伊盧注引史記亦作盧字盧盧古

多通用今江西廬陵縣土人讀如盧音

狡兔死良狗亨小司馬本狡作郊与吳越春秋同

陳豨拜爲鉅鹿守此時鉅鹿屬趙國豨蓋以趙相國

兼鉅鹿守也漢初王國所領之郡亦置守

韓王信盧縮列傳

陳豨者宛朐人也索隱云地理志屬濟陰按地理志

作冤句濟陰本梁地故史公稱爲梁人

高祖七年冬韓王信反入匈奴上至平城還迺封豨爲
列侯按功臣侯表高祖六年正月豨之元年也又
云已破臧荼封豨爲陽夏侯則豨之侯在平城前矣
樊鄴滕灌列傳

漢王賜噲爵爲列侯號臨武侯正義云桂陽臨武縣也
按戰國之際趙有臨武君未必遠取桂陽之臨武
也

以將軍從擊荼戰龍脫索隱云其地闕按趙世家孝
成王十九年以龍兌汾門臨樂與燕龍脫卽龍兌也
脫亦有兌音

劉敬叔孫通列傳

欲遣長公主呂后日夜泣案張敖尚魯元公主在高

帝困平城之前彼傳云高祖從平城過趙趙王朝夕
上食有子婿禮可證也婁敬進說乃在平城以後詎
有奪趙王后以妻單于之理乎此事未可信

季布欒布列傳

爲氣任俠注俠粵也索隱云粵音普名反其義難喻

按說文粵俠也三輔謂輕財者爲粵

袁盎鼂錯列傳

袁盎騎竝車擊轡上曰將軍怯邪盎時爲中郎將文

帝稱爲將軍後爲吳相歸說丞相申屠嘉嘉曰鄙野人乃不知將軍幸教灌夫嘗爲中郎將史亦稱灌將軍此中郎將稱將軍之證也予又攷漢時稱人爲將軍特尊重之稱不必實指其官如灌夫稱田蚡爲將軍蚡乃丞相也程不識李廣以衛尉而稱將軍衛尉本典兵之官

歿十餘日吳楚七國果反 錯父歿才十餘日而錯衣朝衣如故則錯初未行一日之喪也刑名之學其弊一乃至于此翟方進喪後母三十六日而起視事猶爲彼善于此也

噤口不敢復言也

漢書噤作柑柑噤聲相近

皆羣母

時鄧公免起家爲九卿 漢書公卿表无鄧公名張釋之馮唐列傳

堵陽人也正義云應劭曰哀帝改爲順陽水東南入蔡括地志云順陽故城在鄧州穰縣西三十里楚之郢邑也及蘇秦傳云楚北有郢陽竝謂此也 按堵陽与順陽非一地兩漢志皆有堵陽縣屬南陽郡哀帝改順陽爲博山以封孔光不聞又改堵陽爲順陽也應劭謂順陽在順水之陽此云水東南入蔡者當謂順水也蘇秦傳注引括地志順陽故城在鄧州穰縣

西百四十里与此注亦小異古書未聞以順陽為堵

陽者正義之說蓋出于水經注此酈氏誤爾水經注

水漢哀帝改為順陽後漢書朱祐傳注堵陽故城

杜今唐州方城縣方城今裕州也豈得與順陽溷而

為一乎

陵遲而至于二世 漢書作陵夷平準書選舉陵遲漢

志亦作夷司馬相如傳陵夷衰微漢書作遲古文夷

與遲通詩周道倭遲韓詩作郁夷淮南原道訓馮夷

大丙之御高誘云夷或作遲婁壽碑徕徕衡門即栖

遲也說文遲或作迟从尸古文夷字

從行至霸陵居北臨厠注李奇曰霸陵北頭厠近霸水

如淳曰居高臨垂邊曰厠也蘇林曰厠邊側也索隱

云劉氏厠音初吏反包愷音側義亦兩通 予謂厠

即側字側旁从人隸變為厂与厠圍字从广者不同

劉伯莊音初吏反小司馬以為義可兩通蓋厠厠兩

字唐以前已相溷矣

萬石張叔列傳

慶方為丞相諸子孫為吏更至二千石者十三人 按

褚先生敘田仁刺舉三河河東太守石丞相子孫也

石氏九人為二千石方盛貴仁數上書言之其後三

河太守皆下吏誅歿此杜慶已沒之後

田叔列傳

谷口蜀剗道近山剗道者棧道也

扁鵲倉公列傳

秦策于是出趙世家作秦讖讖策聲相近

嬴姓將大敗周人于范魁之西正義云賈逵云月阜曰

魁

月蓋川之譌

趙世家正義引賈逵說不誤

郭景純注爾雅云

漢原杜汾陰者人壅其流以為陂種稻呼其本出處

為漢魁又漢書王子侯表有劇魁侯葛魁侯皆取川

阜為名

案杭毒熨索隱云杭音玩謂按摩而玩弄身體使調也

杭當作抗从手从元轉寫譌為杭耳

太倉公者齊太倉長孝文紀作太倉令意之名无所

避而文紀稱淳于公又稱太倉公目錄亦稱倉公而

不名蓋當時有此稱史公因而書之

吳王濞列傳

趙王有罪削其河閒郡索隱云案漢書作常山郡今

攷文帝二年取趙之河閒郡討趙王遂弟辟疆為王

傳子福无後國除人于漢則河閒之屬漢乃杜文帝

時非以罪削也楚元王世家亦云削趙王常山之郡

此傳誤

魏其武安侯列傳

父世觀津人索隱云言其累葉杜觀津故云父世也

予謂世者嬰父之名

程李俱東西宮衛尉注漢書音義曰李廣為東宮程不

識為西宮 按不識為長樂衛尉長樂宮太后所居

杜未央之東故云東朝是程東宮李西宮也樛里子

葬渭南章臺之東長樂宮杜其東未央宮杜其西此

東西宮之證

韓長孺列傳

御史大夫韓安國者 安國以御史大夫病免復起為

他官以卒篇首仍書御史大夫亦變例

梁城安人也正義云括地志云成安屬潁川郡陳留郡

又有城安縣亦屬梁未知孰是也 按城安之城當

作成漢志陳留潁川二郡皆有成安縣而陳留為梁

故地潁川為韓故地史稱梁成安則為陳留之成安

無疑 潁川之成安本邾縣地武帝封韓千秋子延年為侯國

禪取辱耳注徐廣曰禪一作祗 按漢書亦作祗易坎

不盈祗既平京房本作禪說文亦同蓋禪祗古通用

也古書是与氏同

衛將軍驃騎列傳

將軍公孫賀 公孫賀李蔡皆官至丞相而以將軍目之蓋漢人以將軍爲重且諸人皆從衛霍立功其壯相位初无表見故但稱將軍而已

以浮沮將軍出五原 按匈奴傳賀將萬五千騎出九原二千餘里至浮苴井而還浮苴卽浮沮蓋以地名趙破奴爲匈河浚稽將軍李廣利爲貳師將軍亦其類也

七爲將軍卒七當作五
平津侯主父列傳

齊菑川國薛縣人也 漢志薛縣屬魯國不屬齊与菑

川說者引儒林傳稱平津爲薛人旣云薛人則上言

齊菑川者誤耳予攷本傳元光元年有詔徵文學菑

川國復推上宏宏謝國人國人固推之則平津爲菑

川人无疑菑川本齊之故地故汲黯詰宏云齊人多

詐而无情實史言菑川又言齊者當時通俗之稱扁

鵠言臣齊勃海秦越人也言勃海又言齊与此一例

非史之誤 漢書无齊字 班氏所刪 漢志菑川國祇有三縣无薛

縣狀高五王傳青州刺史奏菑川王終古禽獸行請

逮捕有詔削四縣安知薛縣不杜所削之內乎且漢

志所載郡國領縣若干皆元成以後之制王國大者
僅十餘縣小者三四縣如蠡吾故屬河閒良鄉安次
文安故屬燕涇城故屬趙之類賴有列傳畧見一二
未可據志以駁傳也

地固澤鹹鹵 漢書无鹹字疑衍

是時趙人徐樂 漢書樂燕郡無終人

又使尉佗屠睢 漢書无佗字疑衍

南越尉佗列傳

取邯鄲穆氏女 穆當作摎从手旁

立明王長男越妻子術陽侯建德爲王注徐廣曰元鼎

四年以南越王兄越封高昌侯 按徐說非也功臣
表術陽侯建德以南越王兄越高昌侯封是高昌乃
南越私號及降漢之後始受術陽之封耳史舉其後
封號書之

東越列傳

世俗號爲東甌王 封禪書越人勇之言東甌王敬鬼
壽至百六十歲卽東海王搖也

天子問太尉田蚡 按建元二年蚡已罷太尉矣此時
蓋以列侯奉朝請武帝猶以前官稱之

不戰而耘注徐廣曰耘義當取耘除或言耘音于粉反

此楚人聲重耳 惠棟曰此耘字之誤漢書作殞耘
與隕通左氏成二年傳隕子辱矣說文引作耘耘古
字隕今字徐氏耘除之義失之

朝鮮列傳

朝鮮相路人相韓陰 漢書作韓陶

降相路人之子最 案降字當連上為句長降右渠子
名也功臣表作長路路姑落切與降聲相近小顏注
漢書謂相路人前已降漢而死于道故謂之降相此
妄之甚也下文長為幾侯長下亦當有降字

陰為菽苴侯索隱云菽音秋 漢書本傳作秋苴而功

臣表作菽苴師古音狄

史記表亦作菽索隱音狄未知孰是

最以父死頗有功為溫陽侯 溫陽當從表作涅陽漢

書亦作涅陽

司馬相如列傳

城功元厲 說文玲塹石之次玉者即此城功也

諸蔗獬且 漢書作巴且即巴蕉也巴與獬且與蔗聲

皆相近

則生葳蕤苞荔 漢書蕤作析文選作蕤析斯聲相近

釋艸云蕤莫大薺說文作析

兕象野犀窮奇獫狁 漢書无此八字文選同獫狁即上

文蠖蜒窮奇象犀則上林賦有之當是後人妄增

儵眇淒淒 漢書淒作倩淒倩聲相近

粉粉裊裊 裊即褻字說文粉褻皆長衣兒

罔瑋瑋 瑋瑋字重出

何為无用應哉 漢書用作以以用聲相近

洶涌湧潰 漢書作彭湃湧與彭潰與湃聲皆相近

澎漚沆漚 漢書澎作湧湧澎聲相近

歲橙若蓀 漢書橙作持持橙聲相近韋昭曰持音懲

小顏破持為苻非

巖突洞房索隱云突音一弔反 文選突作突漢書字

譌為突小顏謂若竈突狀非也

華汜櫛櫛 漢書汜作楓櫛作枰皆聲相近

畱落胥餘 漢書作胥邪邪餘聲相近郭景純不詳畱

為何物按釋木劉劉杙注劉子生山中實如梨即此

畱也

連卷累倦 漢書累作欐欐累聲相近

紛容蕭蓼 鄭司農注攷工記引作紛容掣參漢書容

作溶蕭作蒨

旖旎從風 說文无旖旎字漢書作猗柅當從之張揖

訓為阿那亦取聲相近

檢徐音熾非也說文尋字旁从彡隸變与水相亂

涉豐隆之滂沛 漢書沛作漚漚沛聲相近

視眩眠而无見兮 漢書眠作泯眩眠即瞑眩也泯眠

聲相近

湛恩蒙涌 漢書作厖洪古音厖如濛

終都攸卒注漢書音義曰都於卒終也 都於釋詁文

首惡湮沒 漢書湮作鬱鬱湮聲相近

獲周餘珍收龜于岐 漢書无珍字

蓋號以况榮 蓋讀如益文穎訓為合合號猶言合符

也小顏以為語辭似迂

或謂且天為質闇 漢書闇下有示字屬下讀

君乎君乎 漢書乎作兮兮乎聲相近

淮南衡山列傳

宗正臣逸廷尉臣賀備盜賊中尉臣福 漢書公卿表

无此三人名

先要成皋之口正義云成皋城在河南滎水縣東南二

里 滎水蓋汜水之譌

日夜從容王 從容漢書作縱與與讀曰勇縱與謂獎

勸也與容聲相近 鬼與區亦作鬼容區

日夜從容勸之 從容漢書作將養師古讀將為獎將

養亦縱史之轉也從當讀子容切

汲鄭列傳

其魄遺人不過算器食注徐廣曰算竹器 算与匱同

士冠禮爵弁皮弁緇布冠各一匱注匱竹器名古文

匱為篡說文匱淥米數也

儒林列傳

于趙自董仲舒 仲舒廣川人而稱趙者廣川故趙地

也公孫丞相菑川人而云齊人朱買臣會稽人而云

楚士亦此類

太皇竇太后 當云竇太皇太后

及徐氏弟子公戶滿意

公羊傳有公扈子公戶疑即

公扈也

酷吏列傳

乃拜都為濟南太守

據漢表都自濟南太守遷中尉

杜景帝前七年而郡守更名太守乃杜景帝中二年

則其時不得稱太守也太字衍

與汲黯俱為校司馬安之文惡俱杜二千石列同車未

嘗敢均茵伏索隱云言二人与由同載一車上不敢

与之均茵軾謂下之也 予謂小司馬說非也司馬

安以黯姑姊子同時仕宦由重黯而輕安或時与安

俱出不得已与安同車狀亦恥与均茵伏所謂伎也
當以与汲黯俱爲句爲伎二字屬下句文義方安班
史脫去与俱兩字注家因謂黯安二人皆畏由不敢
与均失之遠矣漢書伏作馮古人讀伏如匄与馮聲
相近王吉傳馮式擗銜卽戰國策之伏軾擗銜也碧
落文亦以凭當伏字

芟鼠掠治傳爰書注蘇林曰傳謂傳囚也予謂傳蓋
傳字之譌傳讀曰附謂附于爰書

家兩子夾河爲守 夾河謂河內河南也褚先生叙田
仁刺舉三河是時河南河內太守皆御史大夫杜父

兄子弟卽此所云夾河爲守者也

大宛列傳

奄蔡正義云漢書解詁云奄蔡卽闐蘇也 蔡有蔡音

經典多以蔡代蔡字与蘇聲相近

而樓蘭姑師小國耳注徐廣曰卽車師 車姑聲相近

烏孫侖頭 侖頭漢書作侖臺臺頭聲相近

游俠列傳

田仲王公劇孟 王公卽王孟

藏命作姦索隱云案謂亾命也 予謂命者名也藏命

猶言匿名

與人飲使之嚙注徐廣曰音子妙反盡酒也 嚙與醕
同說文醕飲盡酒也續漢書五行志嚙復嚙者京都
飲酒相強之詞也

東道趙他羽公子索隱云舊解以趙他羽公子爲二人
今案此姓趙名他羽字公子也 予以上下文證之
則舊解爲是春秋傳鄭穆公之後有羽氏

佞幸列傳

仁寵最過庸不乃甚篤 予謂不乃者不能也乃能聲
相近言周仁寵過于常人猶不能甚篤以見景帝之
无寵臣也

滑稽列傳

威王八年楚大發兵加齊 按世家及表是年齊楚无
交兵事此傳之言多不足信

其後百餘年楚有優孟 優孟事楚莊王杜淳于髡前
二百餘年此傳云杜髡後百餘年乃躡駮之甚者而
小司馬未及舉正何也

銅歷爲棺索隱云歷卽釜鬲也 歷卽甗字說文鬲或
作甗

日者列傳

獵纓正襟危坐索隱云獵攬也 獵攬聲相近

比周賓正 賓讓 呂損六國表諸夏賓之張儀傳大王
收率天下以賓秦皆擯棄之義

天人家曰小吉太一家曰大吉 天人家不見于藝文
志或云當作天一藝文志五行三十一家有天一六
卷泰一二十九卷

龜策列傳 張晏謂龜策傳有錄无書褚先生言臣往
來長安中求龜策列傳不能得狀此篇有今上卽位
之文其詞非褚先生所能作

宋元王二年 宋世家有元公而无元王宋之稱王自
偃始此元王或卽王偃之譌王偃雖戰勝攻取尋卽

亾滅暴而不德非靈龜所能祐也

規矩爲輔副以權衡 按魏相奏事言東方之神執規
司春南方之神執衡司夏西方之神執矩司秋北方
之神執權司冬此云規矩權衡指四方而言并四維
爲八卦此遁甲式今人所云奇門也

視其吉凶介蟲先見

此冬至後壬子日庚子時也

子爲

夜半宿杜牽
牛冬至至候也

甲午爲旬首杜與宮杜門爲使時加子

子爲元武其占爲介蟲

桀有諛臣名曰趙梁 桀臣趙梁紂臣左彊本紀皆无
之

貨殖列傳

積著之理務完物 著古貯字說文宁訓辨積物是積貯本字而宁与著通詩俟我於著乎而即當宁之宁此又通為積宁之宁

白圭曰吾治生產猶伊尹呂尚之謀孫吳用兵商鞅行法 案白圭當魏文侯時而商鞅佐秦孝公孝公即位距魏文侯薨已二十五年矣不得如史所言 江南卑溼丈夫早夭 賈生傳言長沙卑溼是也 豫章出黃金長沙出連錫 即上文所謂江南出金錫連也篇中江南皆謂豫章長沙南楚之地非今之江

南

案隋本作隋及本官本官不誤搖正義本作種

果隋羸蛤正義云隋今為搖音同上古少字也果搖猶搖疊包裹也 案說文无隋字蓋即隋之省文索隱讀為徒火切者是也漢書作蘇音与隋相近正義安引果搖方言輒詆班氏可謂詭之甚也

以故些窳 說文作些从兩口与些苛字不同

封者食租稅歲率戶二百千戶之君則二十萬 按漢

書富平侯張安世國杜陳畱別邑杜魏郡租入歲千餘萬子延壽嗣上書讓減戶邑徙封平原并一國戶口如故而租稅減半狀則漢時戶口租稅固有多寡

之殊史公云歲率戶二百者舉其大畧耳又匡衡封
僮之安樂鄉鄉本田提封三千一百頃南以閩陌為
界初元元年郡圖誤以閩佰為平陵陌多四百頃以
是推之列侯封戶雖有定數要以封界之廣狹定租
入之多寡故有戶口同而租稅異者

醯醬干塊索隱云塊音閑江反 塊當作塊說文塊似
鬻長頸受七升讀若洪

木器髻者于枚 髻當作髻說文髻黍也
馬蹄躐干注躐苦弔反馬八膠 按說文无躐字徐解
為馬八膠八膠即尻骨則躐乃竅之異文漢書躐作

噉故小顏訓為口

寧爵母刁 古音爵与醮近服虔左傳解誼云爵者醮

也所以醮盡其材也 見隱元年正義此以刁爵合韻亦讀爵

如醮

酒削薄技也 予謂削讀若潛說文潛所以攤水也引

漢律及其門首酒潛即郅氏之酒削

太史公自序 自史公有自序一篇而班孟堅司馬彪

亦稱華嶠 稱譜叙見 叙傳華嶠 三國志注沈約魏收李延壽之徒各為叙

傳承祚先世仕蜀不顯蔚宗与漢年代隔越故不立

此篇蕭子顯齊豫章王疑之子其傳贊云烈考云我

王与它篇異但傳中竟不列已名則又矯枉過直矣
姚思廉陳書于父傳末畧述已修史事而不稱叙傳
亦不及入唐以後事于體例最爲得之唐宋以來設
立官局史非一人一家之書故无叙傳之名矣

談爲太史公 按太史公是官名遷父子世居其職衛
宏漢人其言可信而後人多疑之予謂位杜丞相上
者謂殿中班位杜丞相之右非職任尊于丞相也虞
喜謂朝會坐位猶居公上蓋得之矣子長自言天下
遺文古事靡不畢集太史公与漢儀注云天下計書
先上太史公者正合史記一書惟自序前半稱太史

公及封禪書兩稱太史公指其父餘皆遷自稱之詞
小司馬小顏以爲尊其父者非矣

有省不省耳 按爾雅省善也有省不省猶言有善有
不善

竊觀陰陽之術大祥注徐廣曰一作詳索隱云漢書作

大詳今此作祥于義爲疎 予謂古書祥詳通用易

視履考祥釋文云本亦作詳書呂刑告尔祥刑後漢

書劉愷傳注引作詳刑 鄭康成注詳
審察之也 君奭其終出于

不祥漢石經本祥爲詳小司馬譏祥義爲疎是未識

古文也

實不中其聲者謂之窾注徐廣曰音款空也 漢書窾

作款款空聲相近莊子導大窾向秀讀窾爲空

厄困鄙薛彭城 漢書鄙作蕃

卒三歲而遷爲太史令 令當作公正義文可證

孔子卒後至于今五百歲 按孔子卒于魯哀公十六

年至漢武帝太初元年比三百七十五歲云五百歲

誤矣上文云自獲麟以來四百有餘歲其實尚不盈

四百歲也

上大夫壺遂索隱云遂爲詹事秩二千石故位上大夫

也 按十二諸侯年表稱上大夫董仲舒封禪書叙

新垣平云于是貴平上大夫萬石君傳以上大夫祿

歸老于家佞幸傳鄧通官至上大夫韓嫣官至上大

夫似漢時本有上大夫之官又封禪書拜公孫卿爲

中大夫

虞舜不台索隱云台音怡 五帝本紀舜讓於德不憚

徐廣云今文尚書作不怡台古怡字

閒不容翽忽 翽當爲葉淮南天文訓秋分葉定葉定

而禾熟故十二葉而當一粟高誘云葉古文作秒也

小司馬訓翽爲輕失之

栗姬負貴 負與負同恃也武安侯傳贊武安負責而

好權与此同義下文述梁孝王云傾愛矜功亦同
維仲之省省訓善言仲雖以罪奪王爵而高帝猶善
之故又封其子也美頡侯亦兄子以其母不善故不
得王

爲太史公書案子長述先人之業作書繼春秋之後
成一家言故曰太史公書以官名之者承父志也以
虞卿呂不韋著書之例言之當云太史公春秋不稱
春秋者謙也班史藝文志太史公百三十篇馮商所
續太史公七篇俱入春秋家而班叔皮亦稱爲太史
公書蓋子長未嘗名其書曰史記也桓譚云遷著書

成以示東方朔朔皆署曰太史公署之者名其書也
或者不察以公爲朔尊遷之稱失之遠矣周本紀云
太史伯陽讀史記陳杞世家云孔子讀史記儒林列
傳云孔子因史記作春秋十二諸侯年表云孔子西
觀周室論史記舊聞又云左邱明因孔子史記具論
其語成左氏春秋老子列傳云史記周太史儋見秦
獻公云云天官書云余觀史記攷行事此篇云史記
放絕又云紬史記石室金匱之書皆指前代之史而
言班史五行志所引史記亦非太史公書楊惲傳惲
始讀外祖太史公記初不云史記又攷漢書宣元六

王傳東平王宇上疏求太史公書大將軍王鳳言太史公書有戰國縱橫權譎之謀揚雄傳太史公記六國歷楚漢訖麟止不與聖人同叙傳東平思王以叔父求太史公諸子書大將軍白不許後漢書竇融傳乃賜融以外屬圖及太史公五宗外戚世家魏其侯列傳范升傳難者以太史公多引左氏升又上太史公違戾五經謬孔子言及左氏春秋不可錄三十一事陳元傳博士范升等議奏左氏春秋不可立及太史公違戾凡四十五事楊終傳受詔刪太史公書爲十餘萬言皆不云史記史記之名疑出魏晉以後非

子長著書之意也

後漢書班彪傳有司馬遷著史記之語此范蔚宗增益非東觀舊文

正義序

開元二十四年八月殺青斯竟

案守節撰正義成于

開元廿四年小司馬索隱前後序則不著撰述之年而唐書藝文志注貞云開元潤州別駕是兩人生于同時而其書不相稱引司馬長于駁辨張長于地理要皆龍門功臣難以偏廢守節官諸王侍讀右清道率府長史唐志失書小司馬序自題國子博士宏文館學士而唐志云潤州別駕始終于別駕者與正義索隱兩書唐時皆單行不附于正史今索隱尚有汲

古閣所刊單行之本正義舊本失傳卷帙次第无可攷矣

論字例

美下爲大哀下爲衣 按說文美从羊从大漢隸或有誤从火者此文大字必火之譌也哀字說文所无易哀多益寡唐石經作裛裛之爲哀亦隸體之變此字宐杜衣部而守節訶爲譌字何耶

史記五

書